

බුද්දකනිකායෙ

ධම්මපදපාළි

1. යමකවග්ගො

1. මනොපුබ්බිගමා ධම්මා, මනොසෙට්ඨා මනොමයා;
මනසා වෙ පදුට්ඨෙන, භාසති වා කරොති වා;
තතො නං දුක්ඛමන්වෙති, චක්ඛංව වහතො පදං.
2. මනොපුබ්බිගමා ධම්මා, මනොසෙට්ඨා මනොමයා;
මනසා වෙ පසන්තෙන, භාසති වා කරොති වා;
තතො නං සුඛමන්වෙති, ඡායාව අනපායිනී [අනුපායිනී (ක.)].
3. අක්කොච්ඡි මං අවධි මං, අජිනි [අජිනි (?)] මං අභාසි මෙ;
යෙ ව තං උපනස්හන්ති, වෙරං තෙසං න සම්මති.
4. අක්කොච්ඡි මං අවධි මං, අජිනි මං අභාසි මෙ;
යෙ ව තං නුපනස්හන්ති, වෙරං තෙසුපසම්මති.
5. න හි වෙරෙන වෙරානි, සම්මන්තීධ කුදාවනං;
අවෙරෙන ච සම්මන්ති, එස ධම්මො සනන්තනො.
6. පරෙ ව න විජානන්ති, මයමෙත්ථ යමාමසෙ;
යෙ ව තත්ථ විජානන්ති, තතො සම්මන්ති මෙධගා.
7. සුභානුපස්සිං විහරන්තං, ඉන්ද්‍රියෙසු අසංවුතං;
භොජනම්හි වාමත්තඤ්ඤං, කුසිතං භීතවිරියං;
තං වෙ පසහති මාරො, වාතො රුක්ඛංව දුබ්බලං.
8. අසුභානුපස්සිං විහරන්තං, ඉන්ද්‍රියෙසු සුසංවුතං;
භොජනම්හි ච මත්තඤ්ඤං, සද්ධං ආරද්ධවිරියං;
තං වෙ නප්පසහති මාරො, වාතො සෙලංව පබ්බතං.
9. අනික්කසාවො කාසාවං, යො වත්ථං පරිදහිස්සති;
අපෙතො දමසව්වෙන, න සො කාසාවමරහති.
10. යො ච වන්තකසාවස්ස, සීලෙසු සුසමාහිතො;
උපෙතො දමසව්වෙන, ස වෙ කාසාවමරහති.
11. අසාරෙ සාරමතිනො, සාරෙ වාසාරදස්සිනො;
තෙ සාරං නාධිගච්ඡන්ති, මිච්ඡාසඬකප්පගොවරා.
12. සාරඤ්ච සාරතො ඤාත්වා, අසාරඤ්ච අසාරතො;
තෙ සාරං අධිගච්ඡන්ති, සම්මාසඬකප්පගොවරා.
13. යථා අගාරං දුච්ඡන්තං, වුට්ඨි සමතිවිජ්ඣති;
එවං අභාවිතං විත්තං, රාගො සමතිවිජ්ඣති.
14. යථා අගාරං සුඡන්තං, වුට්ඨි න සමතිවිජ්ඣති;
එවං සුභාවිතං විත්තං, රාගො න සමතිවිජ්ඣති.
15. ඉධ සොචති පෙච්ච සොචති, පාපකාරී උභයත්ථ සොචති;
සො සොචති සො විහඤ්ඤති, දිස්වා කම්මකිලිට්ඨමත්තනො.
16. ඉධ මොදති පෙච්ච මොදති, කතපුඤ්ඤො උභයත්ථ මොදති;
සො මොදති සො පමොදති, දිස්වා කම්මවිසුද්ධිමත්තනො.
17. ඉධ තප්පති පෙච්ච තප්පති, පාපකාරී [පාපකාරී (?)] උභයත්ථ තප්පති;
“පාපං මෙ කත”න්ති තප්පති, භියො [භියො (සි.)] තප්පති දුග්ගතිං ගතො.

18. ඉඬ නන්දනි පෙව්ව නන්දනි, කතපුඤ්ඤො උභයත්ථ නන්දනි;
“පුඤ්ඤං මෙ කත”න්ති නන්දනි, භියො නන්දනි සුඟ්ගතිං ගතො.
19. බහුමිපි වෙ සංහිත [\[සහිතං \(සි. සා. කං. පි.\)\]](#) භාසමානො, න තක්කරො හොති නරො පමත්තො;
ගොපොච ගාවො ගණයං පරෙසං, න භාගවා සාමඤ්ඤස්ස හොති.
20. අප්පමිපි වෙ සංහිත භාසමානො, ධම්මස්ස හොති [\[හොති \(සි. පි.\)\]](#) අනුධම්මවාරී;
රාගඤ්ච දොසඤ්ච පභාය මොහං, සම්මප්පජානො සුවිමුත්තචිත්තො;
අනුපාදියානො ඉඬ වා හුරං වා, ස භාගවා සාමඤ්ඤස්ස හොති.

යමකචග්ගො පඨමො නිට්ඨිතො.

2. අප්පමාදවග්ගො

21. අප්පමාදො අමතපදං [\[අමතං පදං \(ක.\)\]](#), පමාදො මච්චුනො පදං;
අප්පමත්තා න මියන්ති, යෙ පමත්තා යථා මතා.
22. එවං [\[එතං \(සී. සා. කං. පී.\)\]](#) විසෙසනො ඤත්වා, අප්පමාදම්භි පණ්ඩිතා;
අප්පමාදෙ පමොදන්ති, අරියානං ගොචරෙ රතා.
23. තෙ ක්කායිනො සාතතිකා, නිච්චං දළ්භපරක්කමා;
චුසන්ති ධීරා නිබ්බානං, යොගක්ඛෙමං අනුත්තරං.
24. උට්ඨානවතො සතීමනො [\[සතීමනො \(සී. සා. ක.\)\]](#), සුචිකම්මස්ස නිසම්මකාරිනො;
සඤ්ඤාතස්ස ධම්මජීවිනො, අප්පමත්තස්ස [\[අපමත්තස්ස \(?\)\]](#) යසොභිවඩ්ඪති.
25. උට්ඨානෙනප්පමාදෙන , සංයමෙන දමෙන ව;
දීපං කයිරාථ මෙධාවී, යං ඔසො නාභිකිරති.
26. පමාදමනුසුඤ්ජන්ති, බාලා දුම්මෙධිනො ජනා;
අප්පමාදඤ්ච මෙධාවී, ධනං සෙට්ඨංව රක්ඛති.
27. මා පමාදමනුසුඤ්ජෙථ, මා කාමරතිසන්ථවං [\[සන්ධවං \(ක\)\]](#);
අප්පමත්තො හි ක්කායන්තො, පප්පොති විපුලං සුඛං.
28. පමාදං අප්පමාදෙන, යදා නුදති පණ්ඩිතො;
පඤ්ඤාපාසාදමාරුය්භ, අසොකො සොකිනිං පජං;
පබ්බතට්ඨොව භූමට්ඨෙ [\[භූමිමට්ඨෙ \(සී. සා.\)\]](#), ධීරො බාලෙ අවෙක්ඛති.
29. අප්පමත්තො පමත්තෙසු, සුත්තෙසු බහුජාගරො;
අබලස්සංව සීසස්සො, හිත්වා යාති සුමෙධසො.
30. අප්පමාදෙන මසවා, දෙවානං සෙට්ඨතං ගතො;
අප්පමාදං පසංසන්ති, පමාදො ගරහිතො සදා.
31. අප්පමාදරතො භික්ඛු, පමාදෙ භයදස්සි වා;
සංයොජනං අණුං ථුලං, ධනං අග්ගීව ගච්ඡති.
32. අප්පමාදරතො භික්ඛු, පමාදෙ භයදස්සි වා;
අභබ්බො පරිභානාය, නිබ්බානස්සෙව සන්තිකෙ.

අප්පමාදවග්ගො දුතියො නිට්ඨිතො.

3. විත්තවග්ගො

33. එන්දනං වපලං විත්තං, දුරක්ඛං [දුරක්ඛං (සබ්බත්ථ)] දුන්නිවාරයං;
උජ්ජං කරොති මෙධාවී, උසුකාරොව තෙජනං.
34. වාරිජොව ථලෙ ඛින්නො, ඔකමොකතඋඛිතො;
පරිඵන්දනිදං විත්තං, මාරධෙය්‍යං පහාතවෙ.
35. දුන්නිග්ගහස්ස ලහුනො, යත්ථකාමනිපාතිනො;
විත්තස්ස දමථො සාධු, විත්තං දන්නං සුඛාවහං.
36. සුද්දදසං සුනිපුණං, යත්ථකාමනිපාතිනං;
විත්තං රක්ඛෙථ මෙධාවී, විත්තං ගුත්තං සුඛාවහං.
37. දුරඬගමං එකවරං [එකවාරං (ක.)], අසරීරං ගුහාසයං;
යෙ විත්තං සංයමෙස්සන්ති, මොක්ඛන්ති මාරබන්ධනා.
38. අනවට්ඨිතවිත්තස්ස, සද්ධම්මං අවිජානනො;
පරිජලවපසාදස්ස, පඤ්ඤා න පරිපුරති.
39. අනවස්සුතවිත්තස්ස, අනන්වාහතවෙනසො;
පුඤ්ඤපාපපහීනස්ස, නත්ථි ජාගරතො භයං.
40. කුම්භුපමං කායම්මං විදිත්වා, නගරුපමං විත්තමිදං ධපෙත්වා;
යොධෙථ මාරං පඤ්ඤාචුධෙන, ජීතඤ්ච රක්ඛෙ අනිවෙසනො සීයා.
41. අවිරං වනයං කායො, පථවිං අධිසෙස්සති;
ජුද්ධො අපෙතවිඤ්ඤාණො, නිරත්ථංව කලිඬිගරං.
42. දිසො දිසං යං තං කයිරා, වෙරී වා පන වෙරීනං;
මිච්ඡාපණ්හිතං විත්තං, පාපියො [පාපියං (?)] නං තතො කරෙ.
43. න තං මාතා පිතා කයිරා, අඤ්ඤෙ වාපි ව ඤාතකා;
සම්මාපණ්හිතං විත්තං, සෙය්‍යසො නං තතො කරෙ.

විත්තවග්ගො තතියො නිට්ඨිතො.

4. පුජ්ඵවග්ගො

44. කො ඉමං [කොමං (ක.)] පථවිං විවෙස්සති [විවෙස්සති (සි. ස්‍යා. පි.)], යමලොකඤ්ච ඉමං සදෙවකං;
කො ධම්මපදං සුදෙසිතං, කුසලො පුජ්ඵමිව පවෙස්සති [පුජ්ඵමිවප්පවෙස්සති (ක.)].
45. සෙබො පථවිං විවෙස්සති, යමලොකඤ්ච ඉමං සදෙවකං;
සෙබො ධම්මපදං සුදෙසිතං, කුසලො පුජ්ඵමිව පවෙස්සති.
46. ඵෙණුපමං කායමිමං විදිත්වා, මරිට්ඨමිමං අභිසම්බුධානො;
ජේත්වාන මාරස්ස පපුජ්ඵකානි [සපුජ්ඵකානි (ටිකා)], අදස්සනං මච්චුරාජස්ස ගච්ඡේ.
47. පුජ්ඵානි හෙව පචිනන්තං, බ්‍යාසත්තමනසං [බ්‍යාසත්තමානසං (ක.)] නරං;
සුත්තං ගාමං මහොසොව, මච්චි ආදාය ගච්ඡති.
48. පුජ්ඵානි හෙව පචිනන්තං, බ්‍යාසත්තමනසං නරං;
අතිත්තඤ්ඤෙව කාමෙසු, අත්තකො කුරුතෙ වසං.
49. යථාපි භමරො පුජ්ඵං, වණ්ණගන්ධමහෙයයං [වණ්ණගන්ධමපොයයං (ක.)];
පලෙති රසමාදාය, එවං ගාමෙ මුනී වරෙ.
50. න පරෙසං විලොමානි, න පරෙසං කතාකතං;
අත්තනොව අවෙක්ඛෙය්‍ය, කතානි අකතානි ව.
51. යථාපි රුචිරං පුජ්ඵං, වණ්ණවන්තං අගන්ධකං;
එවං සුභාසිතා වාචා, අථලා හොති අකුබ්බතො.
52. යථාපි රුචිරං පුජ්ඵං, වණ්ණවන්තං සුගන්ධකං [සගන්ධකං (සි. ස්‍යා. කං. පි.)];
එවං සුභාසිතා වාචා, සථලා හොති කුබ්බතො [සකුබ්බතො (සි. පි.), පකුබ්බතො (සි. අට්ඨ.), සුකුබ්බතො (ස්‍යා. කං.)].
53. යථාපි පුජ්ඵරාසිමිහා, කයිරා මාලාගුණෙ බහු;
එවං ජාතෙන මච්චෙන, කත්තබ්බං කුසලං බහුං.
54. න පුජ්ඵගන්ධො පටිවාතමෙති, න වන්දනං තගරමල්ලිකා [තගරමල්ලිකා (සි. ස්‍යා. කං. පි.)];
සතඤ්ච ගන්ධො පටිවාතමෙති, සබ්බා දිසා සප්පුරිසො පවායති.
55. වන්දනං තගරං වාපි, උජ්ජලං අථ වස්සිකි;
එතෙසං ගන්ධජාතානං, සීලගන්ධො අනුත්තරො.
56. අප්පමත්තො අයං ගන්ධො, ය්වායං තගරවන්දනං [යායං තගරවන්දනී (සි. ස්‍යා. කං. පි.)];
යො ව සීලවතං ගන්ධො, වානි දෙවෙසු උත්තමො.
57. තෙසං සම්පන්නසීලානං, අප්පමාදවිහාරිනං;
සම්මදඤ්ඤා විමුත්තානං, මාරො මග්ගං න චින්දති.
58. යථා සඬකාරයානස්මිං [සඬකාරයානස්මිං (සි. ස්‍යා. කං. පි.)], උජ්ඣිතස්මිං මහාපටේ;
පදුමං තත්ථ ජායෙථ, සුචිගන්ධං මනොරමං.
59. එවං සඬකාරභූතෙසු, අන්ධභූතෙ [අන්ධිභූතෙ (ක.)] පුට්ඨජනෙ;
අතිරොචනි පඤ්ඤාය, සම්මාසම්බුද්ධසාවකො.

පුජ්ඵවග්ගො වතුත්ථො නිට්ඨිතො.

5. බාලවග්ගො

60. දීඝා ජාගරතො රත්ති, දීඝං සන්තස්ස යොජනං;
දීඝො බාලානං සංසාරො, සද්ධම්මං අවිජානනං.
61. වරඤ්චෙ නාධිගච්ඡෙය්‍යා, සෙය්‍යාං සද්දිසමත්තනො;
එකවරියං [එකවරියං (ක.)] දළ්භං කයිරා, නත්ථි බාලෙ සභායතා.
62. පුත්තා මත්ථි ධනම්මත්ථි [පුත්තමත්ථි ධනමත්ථි (ක.)], ඉති බාලො විහඤ්ඤති;
අත්තා හි [අත්තාපි (?)] අත්තනො නත්ථි, කුතො පුත්තා කුතො ධනං.
63. යො බාලො මඤ්ඤති බාලාං, පණ්ඩිතො වාපි තෙන සො;
බාලො ච පණ්ඩිතමානී, ස වෙ “බාලො”ති වුච්චති.
64. යාවජීවම්පි වෙ බාලො, පණ්ඩිතං පයිරුපාසති;
න සො ධම්මං විජානාති, දබ්බි සුපරසං යථා.
65. මුහුත්තමපි වෙ විඤ්ඤා, පණ්ඩිතං පයිරුපාසති;
බ්ජපං ධම්මං විජානාති, ජීවිහා සුපරසං යථා.
66. වරන්ති බාලා දුම්මෙධා, අමිත්තෙනෙව අත්තනා;
කරොන්තා පාපකං කම්මං, යං හොති කට්ඨකප්ඵලං.
67. න තං කම්මං කතං සාධු, යං කත්වා අනුතප්පති;
යස්ස අස්සුමුඛො රොදං, විපාකං පටිසෙවති.
68. තඤ්ච කම්මං කතං සාධු, යං කත්වා නානුතප්පති;
යස්ස පතීතො සුමනො, විපාකං පටිසෙවති.
69. මධුවා [මධුං වා (දී. නි. ටිකා 1)] මඤ්ඤති බාලො, යාව පාපං න පච්චති;
යදා ච පච්චති පාපං, බාලො [අථ බාලො (සී. ස්‍යා.) අථ (?)] දුක්ඛං නිගච්ඡති.
70. මාසෙ මාසෙ කුසග්ගෙන, බාලො භුඤ්ජෙය්‍යා භොජනං;
න සො සඬබ්බාතධම්මානං [සඬබ්බධම්මානං (සී. පී. ක.)], කලං අග්ගති සොළසිං.
71. න හි පාපං කතං කම්මං, සජ්ජු ඛිරංව මුච්චති;
ධහන්තං බාලමන්වෙති, භස්මච්ඡන්තොව [භස්මාඡන්තොව (සී. පී. ක.)] පාවකො.
72. යාවදෙව අනත්ථාය, ඤාත්තං [ඤාතං (?)] බාලස්ස ජායති;
හන්ති බාලස්ස සුක්කංසං, මුද්ධමස්ස විපාතයං.
73. අසන්තං භාවනම්ච්ඡෙය්‍යා [අසන්තං භාවම්ච්ඡෙය්‍යා (ස්‍යා.), අසන්තභාවනම්ච්ඡෙය්‍යා (ක.)], පුරෙක්ඛාරඤ්ච
හික්ඛුසු;
ආවාසෙසු ච ඉස්සරියං, පුජා පරකුලෙසු ච.
74. මමෙව කත මඤ්ඤන්තු, ගිහිපබ්බජිතා උභො;
මමෙවාතිවසා අස්සු, කිච්චාකිච්චෙසු කිස්මිචි;
ඉති බාලස්ස සඬකප්පො, ඉච්ඡා මානො ච වඩ්ඪති.
75. අඤ්ඤා හි ලාභුපනිසා, අඤ්ඤා නිබ්බානගාමිනී;
ඵවමෙනං අභිඤ්ඤාය, හික්ඛු බුද්ධස්ස සාවකො;
සක්කාරං නාහිනන්දෙය්‍යා, විවෙකමනුබ්බහයො.

බාලවග්ගො පඤ්චමො නිට්ඨිතො.

6. පණ්ඩිතවග්ගො

76. නිධිනංව පවත්තාරං, යං පස්සෙ වජ්ජදස්සිනං;
නිග්ගස්සවාදිං මෙධාවිං, තාදිසං පණ්ඩිතං භජෙ;
තාදිසං භජමානස්ස, සෙය්‍යො හොති න පාපියො.
77. ඔවදෙය්‍යානුසාසෙය්‍ය, අසබ්බා ව නිවාරයෙ;
සතඤ්ඤි සො පියො හොති, අසතං හොති අප්පියො.
78. න භජෙ පාපකෙ මිත්තෙ, න භජෙ පුරිසාධමෙ;
භජෙට් මිත්තෙ කල්‍යාණෙ, භජෙට් පුරිසුත්තමෙ.
79. ධම්මපීති සුඛං සෙති, විජ්ජසන්නෙන චෙතසා;
අරියජ්ජවෙදිතෙ ධම්මෙ, සදා රමති පණ්ඩිතො.
80. උදකඤ්ඤි නයන්ති නෙත්තිකා, උසුකාරා නමයන්ති [දමයන්ති (ක.)] තෙජනං;
දාරුං නමයන්ති තච්ඡකා, අත්තානං දමයන්ති පණ්ඩිතා.
81. සෙලො යථා එකසතො [එකග්ගතො (ක.)], වාතෙන න සමීරති;
එවං නින්දාපසංසාසු, න සමිඤ්ජන්ති පණ්ඩිතා.
82. යථාපි රහදො ගම්භීරො, විජ්ජසන්නො අනාවිලො;
එවං ධම්මානි සුත්වාන, විජ්ජසිදන්ති පණ්ඩිතා.
83. සබ්බත්ථ වෙ සජ්ජුරිසා වජන්ති, න කාමකාමා ලපයන්ති සන්නො;
සුඛෙන චුට්ඨා අට්ඨා දුඛෙන, න උච්චාවචං [නොච්චාවචං (සී. අට්ඨ.)] පණ්ඩිතා දස්සයන්ති.
84. න අත්තහෙතු න පරස්ස හෙතු, න පුත්තමීච්ඡෙ න ධනං න රට්ඨං;
න ඉච්ඡෙය්‍ය [නයිච්ඡෙ (පී.), නිච්ඡෙ (?)] අධම්මෙන සමිද්ධිමත්තනො, ස සීලවා පඤ්ඤවා ධම්මිකො සියා.
85. අජ්ජකා තෙ මනුස්සෙසු, යෙ ජනා පාරගාමිනො;
අථායං ඉතරා පජා, තීරමෙවානුධාවති.
86. යෙ ව බො සම්මදක්ඛාතෙ, ධම්මෙ ධම්මානුවත්තිනො;
තෙ ජනා පාරමෙස්සන්ති, මච්චුධෙය්‍යං සුදුත්තරං.
87. කණ්ඨං ධම්මං විජ්ජභාය, සුක්කං භාවෙට් පණ්ඩිතො;
ඔකා අනොකමාගම්ම, විචෙකෙ යත්ථ දුරමං.
88. තත්තාභිරතිමීච්ඡෙය්‍ය, හින්වා කාමෙ අකිඤ්චනො;
පරියොදපෙය්‍ය [පරියොදාපෙය්‍ය (?)] අත්තානං, චිත්තක්ලෙසෙහි පණ්ඩිතො.
89. යෙසං සම්බොධියඤ්ඤෙසු, සම්මා චිත්තං සුභාවිතං;
ආදානපට්ඨිස්සග්ගෙ, අනුපාදාය යෙ රතා;
බිණ්ණසවා පුත්තිමන්තො, තෙ ලොකෙ පරිනිබ්බුතා.

පණ්ඩිතවග්ගො ඡට්ඨො නිට්ඨිතො.

7. අරහත්තවග්ගො

90. ගතද්ධිනො විසොකස්ස, විජ්ජමුත්තස්ස සබ්බධි;
සබ්බගන්ථජ්ජහිනස්ස, පරිලාභො න විජ්ජති.
91. උය්‍යුඤ්ජන්ති සතිමත්තො, න නිකෙතෙ රමන්ති තෙ;
භංසාව පල්ලං භිත්වා, ඔකමොකං ජහන්ති තෙ.
92. යෙසං සන්තිවයො නත්ථී, යෙ පරිඤ්ඤාතභොජනා;
සුඤ්ඤතො අනිමිත්තො ව, විමොක්ඛො යෙසං ගොචරො;
ආකාසෙ ව සකුන්තානං [\[සකුණානං \(ක.\)\]](#), ගති තෙසං දුරන්තයා.
93. යස්සාසවා පරික්ඛිණා, ආභාරෙ ව අනිස්සිතො;
සුඤ්ඤතො අනිමිත්තො ව, විමොක්ඛො යස්ස ගොචරො;
ආකාසෙ ව සකුන්තානං, පදං තස්ස දුරන්තයං.
94. යස්සින්ද්‍රියානි සමථඤ්ඤානි [\[සමථං ගතානි \(සි. පි.\)\]](#), අස්සා යථා සාරථිනා සුදන්තා;
පභිනමානස්ස අනාසවස්ස, දෙවාපි තස්ස පිභයන්ති තාදිනො.
95. පථවිසමො නො විරුජ්ඣති, ඉන්ද්‍රියේඤ්ජමො [\[ඉන්ද්‍රියේඤ්ජමො \(සි. සා. ක.\)\]](#) තාදි සුබ්බතො;
රහදොව අපෙතකද්දමො, සංසාරා න භවන්ති තාදිනො.
96. සන්තං තස්ස මනං භොති, සන්තා වාවා ව කම්ම ව;
සම්මදඤ්ඤා විමුත්තස්ස, උපසන්තස්ස තාදිනො.
97. අස්සද්ධො අකතඤ්ඤා ව, සන්ධිච්ඡේදො ව යො නරො;
භතාවකාසො චන්තාසො, ස වෙ උත්තමපොරිසො.
98. ගාමෙ වා යදි වාරඤ්ඤෙ, නින්තෙ වා යදි වා ථලෙ;
යත්ථ අරහන්තො විහරන්ති, තං භූමිරාමණෙයාකං.
99. රමණියානි අරඤ්ඤානි, යත්ථ න රමති ජනො;
විතරාගා රමිස්සන්ති, න තෙ කාමගවෙසිනො.
- අරහත්තවග්ගො සත්තමො නිට්ඨිතො.

8. සහස්සවග්ගො

100. සහස්සමපි වෙ වාවා, අනත්ථපදසංහිතා;
එකං අත්ථපදං සෙය්‍යො, යං සුත්වා උපසම්මති.
101. සහස්සමපි වෙ ගාථා, අනත්ථපදසංහිතා;
එකං ගාථාපදං සෙය්‍යො, යං සුත්වා උපසම්මති.
102. යො ව ගාථා සතං භාසෙ, අනත්ථපදසංහිතා [අනත්ථපදසඤ්චිතං (ක.) විසෙසනං හෙතං ගාථාතිපදස්ස];
එකං ධම්මපදං සෙය්‍යො, යං සුත්වා උපසම්මති.
103. යො සහස්සං සහස්සෙන, සඬිගාමෙ මානුසෙ ජිනෙ;
එකඤ්ච ජෙය්‍යමත්තානං [අත්තානං (සි. පී.)], ස වෙ සඬිගාමපුත්තමො.
104. අත්තා හවෙ ජිතං සෙය්‍යො, යා වායං ඉතරා පජා;
අත්තදත්තස්ස පොසස්ස, නිව්චං සඤ්ඤතචාරිනො.
105. නෙව දෙවො න ගන්ධබ්බො, න මාරො සහ බ්‍රහ්මිනා;
ජිතං අපජිතං කයිරා, තථාරූපස්ස ජන්තුනො.
106. මාසෙ මාසෙ සහස්සෙන, යො යජෙථ සතං සමං;
එකඤ්ච භාවිතත්තානං, මුහුත්තමපි පූජයෙ;
සායෙව පූජනා සෙය්‍යො, යඤ්චෙව වස්සසතං හුතං.
107. යො ව වස්සසතං ජන්තු, අග්ගිං පරිවරෙ වනෙ;
එකඤ්ච භාවිතත්තානං, මුහුත්තමපි පූජයෙ;
සායෙව පූජනා සෙය්‍යො, යඤ්චෙව වස්සසතං හුතං.
108. යං කිඤ්චි යිට්ඨං ව හුතං ව [යිට්ඨඤ්ච හුතඤ්ච (ක.)] ලොකෙ, සංවච්ඡරං යජෙථ පුඤ්ඤපෙක්ඛො;
සබ්බමපි තං න චතුභාගමෙති, අභිවාදනා උච්ඡුගතෙසු සෙය්‍යො.
109. අභිවාදනසිලිස්ස, නිව්චං වුඩ්ඨාපවායිනො [වද්ධාපවායිනො (සි. පී.)];
චත්තාරො ධම්මා වඩ්ඨන්ති, ආයු වණ්ණො සුඛං බලං.
110. යො ව වස්සසතං ජීවෙ, දුස්සිලො අසමාහිනො;
එකාහං ජීවිතං සෙය්‍යො, සීලවත්තස්ස ඤායිනො.
111. යො ව වස්සසතං ජීවෙ, දුප්පඤ්ඤො අසමාහිනො;
එකාහං ජීවිතං සෙය්‍යො, පඤ්ඤවත්තස්ස ඤායිනො.
112. යො ව වස්සසතං ජීවෙ, කුසිනො හීනචිරියො;
එකාහං ජීවිතං සෙය්‍යො, වීරියමාරහතො දළ්භං.
113. යො ව වස්සසතං ජීවෙ, අපස්සං උදයබ්බයං;
එකාහං ජීවිතං සෙය්‍යො, පස්සතො උදයබ්බයං.
114. යො ව වස්සසතං ජීවෙ, අපස්සං අමතං පදං;
එකාහං ජීවිතං සෙය්‍යො, පස්සතො අමතං පදං.
115. යො ව වස්සසතං ජීවෙ, අපස්සං ධම්මමුත්තමං;
එකාහං ජීවිතං සෙය්‍යො, පස්සතො ධම්මමුත්තමං.

සහස්සවග්ගො අට්ඨමො නිට්ඨිනො.

9. පාපවග්ගො

116. අභිත්ථරෙථ කල්‍යාණෙ, පාපා විත්තං නිවාරයෙ;
දන්ධඤ්ඨි කරොතො පුඤ්ඤං, පාපස්මිං රමති මනො.
117. පාපඤ්චෙ පුරිසො කයිරා, න නං [න තං (සි. පි.)] කයිරා පුනථපුනං;
න තමිහි ඡන්දං කයිරාථ, දුක්ඛො පාපස්ස උච්චයො.
118. පුඤ්ඤඤ්චෙ පුරිසො කයිරා, කයිරා නං [කයිරාථෙතං (සි. ස්‍යා.), කයිරාථෙතං (පි.)] පුනථපුනං;
තමිහි ඡන්දං කයිරාථ, සුඛො පුඤ්ඤස්ස උච්චයො.
119. පාපොපි පස්සති හදුං, යාව පාපං න පච්චති;
යදා ව පච්චති පාපං, අථ පාපො පාපානි [අථ පාපානි (?)] පස්සති.
120. හද්‍රොපි පස්සති පාපං, යාව හදුං න පච්චති;
යදා ව පච්චති හදුං, අථ හද්‍රො හද්‍රානි [අථ හද්‍රානි (?)] පස්සති.
121. මාවමඤ්ඤෙථ [මාප්පමඤ්ඤෙථ (සි. ස්‍යා. පි.)] පාපස්ස, න මන්තං [න මං තං (සි. පි.), න මන්තං (ස්‍යා.)]
ආගමිස්සති;
උදබ්බන්දුනිපාතෙන, උදකුම්භොපි පුරති;
බාලො පුරති [පුරති බාලො (සි. ක.), ආපුරති බාලො (ස්‍යා.)] පාපස්ස, ථොකං ථොකමපි [ථොක ථොකමපි
(සි. පි.)] ආවිනං.
122. මාවමඤ්ඤෙථ පුඤ්ඤස්ස, න මන්තං ආගමිස්සති;
උදබ්බන්දුනිපාතෙන, උදකුම්භොපි පුරති;
ධිරො පුරති පුඤ්ඤස්ස, ථොකං ථොකමපි ආවිනං.
123. වාණිජොව භයං මග්ගං, අප්පසන්ථො මහද්ධනො;
විසං ජීවිතුකාමොව, පාපානි පරිවජ්ජයෙ.
124. පාණිමිහි වෙ වණො නාස්ස, හරෙය්‍යා පාණිනා විසං;
නාබ්බණං විසමන්චෙති, නත්ථි පාපං අකුබ්බතො.
125. යො අප්පදුට්ඨස්ස නරස්ස දුස්සති, සුද්ධස්ස පොසස්ස අනඩ්ගණස්ස;
තමෙව බාලං පච්චෙති පාපං, සුබ්‍රමො රජො පටිවාතංව ඛිත්තො.
126. ගබ්භමෙකෙ උප්පජ්ජන්ති, නිරයං පාපකම්මිතො;
සග්ගං සුගතිතො යන්ති, පරිනිබ්බන්ති අනාසවා.
127. න අන්තලික්ඛෙ න සමුද්දමජ්ඣෙ, න පබ්බතානං විවරං පවිස්ස [පවිසං (ස්‍යා.)];
න විජ්ජති [න විජ්ජති (ක. සි. පි. ක.)] සො ජගතිප්පදෙසො, යත්ථට්ඨිතො [යත්‍රට්ඨිතො (ස්‍යා.)] මුච්චෙය්‍ය
පාපකම්මා.
128. න අන්තලික්ඛෙ න සමුද්දමජ්ඣෙ, න පබ්බතානං විවරං පවිස්ස;
න විජ්ජති සො ජගතිප්පදෙසො, යත්ථට්ඨිතං [යත්‍රට්ඨිතං (ස්‍යා.)] නප්පසහෙය්‍යා මච්චු.

පාපවග්ගො නවමො නිට්ඨිතො.

10. දණ්ඩවග්ගො

129. සබ්බෙ තසන්ති දණ්ඩස්ස, සබ්බෙ භායන්ති මච්චුනො;
අත්තානං උපමං කත්වා, න භනෙය්‍ය න සාතයෙ.
130. සබ්බෙ තසන්ති දණ්ඩස්ස, සබ්බෙසං ජීවිතං පියං;
අත්තානං උපමං කත්වා, න භනෙය්‍ය න සාතයෙ.
131. සුඛකාමානි භුතානි, යො දණ්ඩෙන විහිංසති;
අත්තනො සුඛමෙසානො, පෙච්ච සො න ලභතෙ සුඛං.
132. සුඛකාමානි භුතානි, යො දණ්ඩෙන න හිංසති;
අත්තනො සුඛමෙසානො, පෙච්ච සො ලභතෙ සුඛං.
133. මාවොච ඵරුසං කඤ්චි, චුත්තා පට්ඨදෙය්‍යු නං [\[පට්ඨදෙය්‍යුං නං \(ක.\)\]](#);
දුක්ඛා හි සාරම්භකථා, පට්ඨණ්ඩා චුසෙය්‍යු නං [\[චුසෙය්‍යුං නං \(ක.\)\]](#).
134. සචෙ තෙරෙසි අත්තානං, කංසො උපභතො යථා;
ඵස පත්තොසි නිබ්බානං, සාරම්භො තෙ න විජ්ජති.
135. යථා දණ්ඩෙන ගොපාලො, ගාවො පාපෙති ගොවරං;
ඵචං ජරා ච මච්චු ච, ආයුං පාපෙන්නි පාණිනං.
136. අථ පාපානි කම්මානි, කරං ඛාලො න බුජ්ඣති;
සෙහි කම්මෙහි දුම්මෙධො, අග්ගිද්ධිසොච තජ්ජති.
137. යො දණ්ඩෙන අදණ්ඩෙසු, අප්පදුට්ඨෙසු දුස්සති;
දසන්නමඤ්ඤතරං යානං, බිජ්ජමෙව නිගච්ජති.
138. වෙදනං ඵරුසං ජාතිං, සරීරස්ස ච හෙදනං [\[සරීරස්ස පහෙදනං \(සාය.\)\]](#);
ගරුකං වාපි ආබාධං, විත්තක්ඛෙපඤ්ච [\[විත්තක්ඛෙපං ච \(සි. සාය. පි.\)\]](#) පාපුණෙ.
139. රාජතො වා උපසග්ගං [\[උපසග්ගං \(සි. පි.\)\]](#), අබ්භක්ඛානඤ්ච [\[අබ්භක්ඛානං ච \(සි. පි.\)\]](#) දාරුණං;
පරික්ඛයඤ්ච [\[පරික්ඛයං ච \(සි. සාය. පි.\)\]](#) ඤාතීනං, භොගානඤ්ච [\[භොගානං ච \(සි. සාය. පි.\)\]](#) පහඩ්ගුරං
[\[පහඩ්ගුනං \(ක.\)\]](#).
140. අථ වාස්ස අගාරානි, අග්ගි ධහති [\[ධස්හති \(ක.\)\]](#) පාවකො;
කායස්ස හෙදා දුජ්ජඤ්ඤො, නිරයං සොපපජ්ජති [\[සො උපපජ්ජති \(සි. සාය.\)\]](#).
141. න නග්ගවරියා න ජටා න පඩ්ඣා, නානාසකා ථණ්ඩිලසායිකා වා;
රජොජල්ලං උක්ඛුට්ඨප්පධානං, සොධෙන්නි මච්චං අවිතිණ්ණකඩ්ඛං.
142. අලඬිකතො වෙපි සමං වරෙය්‍ය, සන්නො දන්නො නියතො බ්‍රහ්මචාරී;
සබ්බෙසු භුතෙසු නිධාය දණ්ඩං, සො බ්‍රාහ්මණො සො සමණො ස හික්ඛු.
143. හිරිනිසෙධො පුරිසො, කොචි ලොකස්මි විජ්ජති;
යො නිද්දං [\[නින්දං \(සි. පි.\) සං. නි. 1.18\]](#) අපබොධෙති [\[අපබොධති \(සි. සාය. පි.\)\]](#), අස්සො භද්‍රො කසාමිච.
144. අස්සො යථා භද්‍රො කසානිච්චියො, ආතාපිනො සංවෙගිනො භවාථ;
සද්ධාය සීලෙන ච වීරියෙන ච, සමාධිනා ධම්මවිනිච්ජයෙන ච;
සම්පන්නවිජ්ජාවරණා පතිස්සතා, ජහිස්සථ [\[පහස්සථ \(සි. සාය. පි.\)\]](#) දුක්ඛමීදං අනප්පකං.
145. උදකඤ්චි නයන්ති තෙත්තිකා, උසුකාරා නමයන්ති තෙජනං;
දාරුං නමයන්ති තච්ඡකා, අත්තානං දමයන්ති සුඛිකා.

දණ්ඩවග්ගො දසමො නිට්ඨිතො.

11. ජරාවග්ගො

146. කො නු භාසො [\[කින්තු භාසො \(ක.\)\]](#) කිමානන්දො, නිව්වං පජ්ජලිතෙ සති;
අන්ධකාරෙන ඔනද්ධා, පදීපං න ගවෙසථ.
147. පස්ස චිත්තකතං බිම්බං, අරුකායං සමුස්සිතං;
ආතුරං බහුසඛිකජ්ජං, යස්ස නත්ථි ධූවං ධීති.
148. පරිජිණ්ණමිදං රූපං, රොගනිලං [\[රොගනිඬ්ඨං \(සි. පි.\), රොගනිද්ධං \(සාය.\)\]](#) පහඬිගුරං;
භිජ්ජති පුතිසන්දෙහො, මරණන්තඤ්භි ජීවිතං.
149. යානිමානි අපත්ථානි [\[යානිමානි අපත්ථානි \(සි. සාය. පි.\), යානිමානි'පවිද්ධානි \(?\)\]](#), අලාඛුනෙව [\[අලාපුනෙව \(සි. සාය. පි.\)\]](#) සාරදෙ;
කාපොතකානි අට්ඨිති, තානි දිස්වාන කා රති.
150. අට්ඨිතං නගරං කතං, මංසලොභිතලෙපනං;
යත්ථ ජරා ච මච්චු ච, මානො මක්ඛො ච ඔභිතො.
151. ජීරණී වෙ රාජරථා සුචිත්තා, අපො සරීරමිපි ජරං උපෙනි;
සතඤ්ච ධම්මො න ජරං උපෙනි, සන්තො හවෙ සබ්භි පවෙදයන්ති.
152. අජ්ජස්සුතායං පුරිසො, බලිබද්ධොව [\[බලිවද්දොව \(සි. සාය. පි.\)\]](#) ජීරති;
මංසානි තස්ස වඩ්ඪන්ති, පඤ්ඤා තස්ස න වඩ්ඪති.
153. අනෙකජාතිසංසාරං , සන්ධාවිස්සං අනිබ්බිසං;
ගහකාරං [\[ගහකාරකං \(සි. සාය. පි.\)\]](#) ගවෙසන්තො, දුක්ඛා ජාති පුනප්පුනං.
154. ගහකාරක දිට්ඨොසි, පුන ගෙහං න කාහසි;
සබ්බා තෙ ථාසුකා භග්ගා, ගහකුටං විසඬිතං;
විසඬිතාරගතං චිත්තං, තණ්හානං ඛයමජ්ඣගා.
155. අවරිත්ථා බ්‍රහ්මවරියං, අලද්ධා යොබ්බනෙ ධනං;
ජිණ්ණකොඤ්චොව ඤායන්ති, බිණ්ණමච්ඡෙව පල්ලලෙ.
156. අවරිත්ථා බ්‍රහ්මවරියං, අලද්ධා යොබ්බනෙ ධනං;
සෙන්ති වාපාතිබිණ්ණොව, පුරාණානි අනුත්ථුනං.

ජරාවග්ගො එකාදසමො නිට්ඨිතො.

12. අත්තවග්ගො

157. අත්තානාඤ්චෙ පියං ජඤ්ඤා, රක්ඛෙය්‍යා නං සුරක්ඛිතං;
තිණ්ණං අඤ්ඤතරං යාමං, පටිජග්ගෙය්‍ය පණ්ඩිතො.
158. අත්තානමෙව පඨමං, පතිරූපෙ නිවෙසයෙ;
අථඤ්ඤමනුසාසෙය්‍යා, න කිලිස්සෙය්‍යා පණ්ඩිතො.
159. අත්තානං වෙ තථා කයිරා, යථාඤ්ඤමනුසාසති;
සුදන්තො වත දමෙථ, අත්තා හි කිර දුද්දමො.
160. අත්තා හි අත්තනො නාථො, කො හි නාථො පරො සියා;
අත්තනා හි සුදන්තෙන, නාථං ලභති දුල්ලභං.
161. අත්තනා හි කතං පාපං, අත්තජං අත්තසම්භවං;
අභිමත්ථති [අභිමන්තති (සි. පි.)] දුම්මෙධං, වජිරං වස්මමයං [වජිරංව'ම්භමයං (සා. ක.)] මණිං.
යස්ස අව්චන්තදුස්සිලාං, මාලුවා සාලම්චොත්ථනං;
162. කරොති සො තථත්තානං, යථා නං ඉච්ඡති දිසො.
163. සුකරානි අසාධුනි, අත්තනො අභිතානි ව;
යං වෙ භිතඤ්ච සාධුඤ්ච, තං වෙ පරමදුක්කරං.
164. යො සාසනං අරහතං, අරියානං ධම්මජීවිනං;
පටික්කොසති දුම්මෙධො, දිට්ඨිං නිස්සාය පාපිකං;
ඵලානි කට්ඨකස්සෙව, අත්තසාතාය [අත්තසඤ්ඤාය (සි. සා. පි.)] ඵල්ලති.
165. අත්තනා හි [අත්තනාව (සි. සා. පි.)] කතං පාපං, අත්තනා සංකිලිස්සති;
අත්තනා අකතං පාපං, අත්තනාව විසුජ්ඣති;
සුද්ධි අසුද්ධි පච්චත්තං, නාඤ්ඤො අඤ්ඤං [නාඤ්ඤමඤ්ඤො(සි.)] විසොධයෙ.
166. අත්තදත්ථං පරත්ථෙන, බහුනාපි න භාපයෙ;
අත්තදත්ථමභිඤ්ඤාය, සදත්ථපසුතො සියා.

අත්තවග්ගො ද්වාදසමො නිව්ඨිතො.

13. ලොකවග්ගො

167. භීතං ධම්මං න සෙවෙය්‍යා, පමාදෙන න සංවසෙ;
මිච්ඡාදිට්ඨිං න සෙවෙය්‍යා, න සියා ලොකවඩ්ඪනො.
168. උත්තිට්ඨෙය්‍යෙ නප්පමජ්ජෙය්‍යා, ධම්මං සුවරිතං වරෙ;
ධම්මචාරී සුඛං සෙති, අස්මිං ලොකෙ පරමිහි ව.
169. ධම්මං වරෙ සුවරිතං, න නං දුච්චරිතං වරෙ;
ධම්මචාරී සුඛං සෙති, අස්මිං ලොකෙ පරමිහි ව.
170. යථා පුබ්බුළකං [පුබ්බුළකං (සි. පි.)] පස්සෙ, යථා පස්සෙ මරීචිකං;
එවං ලොකං අවෙක්ඛන්තං, මව්චුරාජා න පස්සති.
171. එට් පස්සමිං ලොකං, චිත්තං රාජරජ්ජමං;
යත්ථ ඛාලා විසිදන්ති, නත්ථි සඬ්භො විජානතං.
172. යො ව පුබ්බෙ පමජ්ජිත්වා, පච්ඡා සො නප්පමජ්ජති;
සොමං ලොකං පභාසෙති, අඛිභා මුත්තොව වන්දිමා.
173. යස්ස පාපං කතං කම්මං, කුසලෙන පිටියති [පිතියති (සි. ස්‍යා. පි.)];
සොමං ලොකං පභාසෙති, අඛිභා මුත්තොව වන්දිමා.
174. අන්ධභූතො [අන්ධභූතො (ක.)] අයං ලොකො, තනුකෙත්ථ විපස්සති;
සකුණො ජාලමුත්තොව, අප්පො සග්ගාය ගච්ඡති.
175. භංසාදිච්චපටෙ යන්ති, ආකාසෙ යන්ති ඉද්ධියා;
නියන්ති ධීරා ලොකමිහා, ජෙත්වා මාරං සවාහිනිං [සවාහනං (ස්‍යා. ක.)].
176. එකං ධම්මං අතීතස්ස, මුසාවාදිස්ස ජන්තුනො;
චිතිණ්ණපරලොකස්ස, නත්ථි පාපං අකාරියං.
177. න වෙ කදරියා දෙවලොකං වජන්ති, ඛාලා භවෙ නප්පසංසන්ති දානං;
ධීරො ව දානං අනුමොදමානො, තෙනෙව සො භොති සුඛි පරත්ථ.
178. පට්ඨායා එකරජ්ජෙන, සග්ගස්ස ගමනෙන වා;
සබ්බලොකාධිපච්චෙන, සොනාපත්තිඵලං වරං.

ලොකවග්ගො තෙරසමො නිට්ඨිතො.

14. බුද්ධවග්ගො

179. යස්ස ජිනං නාවජියති, ජිනං යස්ස [ජිනමස්ස (සී. සා. පී.), ජිනං මස්ස (ක.)] නො යාති කොචි ලොකෙ;
තං බුද්ධමනන්තගොචරං, අපදං කෙන පදෙන නෙස්සථ.
180. යස්ස ජාලිනී විසත්තිකා, තණ්හා නත්ථි කුහිඤ්චි නෙතවෙ;
තං බුද්ධමනන්තගොචරං, අපදං කෙන පදෙන නෙස්සථ.
181. යෙ ඤානපසුතා ධීරා, නෙක්ඛම්මුපසමෙ රතා;
දෙවාපි තෙසං පිභයන්ති, සම්බුද්ධානං සතීමනං.
182. කිච්ඡො මනුස්සපට්ඨානො, කිච්ඡං මච්චාන ජීවිතං;
කිච්ඡං සද්ධම්මස්සවනං, කිච්ඡො බුද්ධානමුප්පාදො.
183. සබ්බපාපස්ස අකරණං, කුසලස්ස උපසම්පදා [කුසලස්සුපසම්පදා (සා.)];
සචිත්තපරියොදපනං [සචිත්තපරියොදාපනං (?)], එතං බුද්ධාන සාසනං.
184. ඛන්තී පරමං තපො තිතික්ඛා, නිබ්බානං [නිබ්බාණං (ක. සී. පී.)] පරමං වදන්ති බුද්ධා;
න හි පබ්බජිතො පරුපසාති, න [අයං නකාරො සී. සා. පී. පාත්ථකෙසු න දිස්සති] සමණො හොති පරං
විභෙදයන්තො.
185. අනුපවාදො අනුපසාතො [අනුපවාදො අනුපසාතො (සා. ක.)], පාතිමොක්ඛෙ ව සංවරො;
මත්තඤ්ඤතා ව භත්තස්මිං, පන්තඤ්ච සයනාසනං;
අධිචිත්තෙ ව ආයොගො, එතං බුද්ධාන සාසනං.
186. න කභාපණවස්සෙන, තිත්ති කාමෙසු විජ්ජති;
අප්පස්සාදා දුඛා කාමා, ඉති විඤ්ඤාය පණ්ඩිතො.
187. අපි දිබ්බෙසු කාමෙසු, රතිං සො නාධගච්ජති;
තණ්හක්ඛයරතො හොති, සම්මාසම්බුද්ධසාවකො.
188. බහුං වෙ සරණං යන්ති, පබ්බතානි වනානි ව;
ආරාමරුක්ඛවෙනානි, මනුස්සා භයතජ්ජිතා.
189. නෙතං බො සරණං බෙමං, නෙතං සරණමුත්තමං;
නෙතං සරණමාගම්ම, සබ්බදුක්ඛා පමුච්චති.
190. යො ව බුද්ධඤ්ච ධම්මඤ්ච, සඬ්ඝඤ්ච සරණං ගතො;
චත්තාරි අරියසච්චානි, සම්මප්පඤ්ඤාය පස්සති.
191. දුක්ඛං දුක්ඛසමුප්පාදං, දුක්ඛස්ස ව අතික්කමං;
අරියං වට්ඨංගිකං මග්ගං, දුක්ඛුපසමගාමීනං.
192. එතං බො සරණං බෙමං, එතං සරණමුත්තමං;
එතං සරණමාගම්ම, සබ්බදුක්ඛා පමුච්චති.
193. දුල්ලහො පුරිසාජඤ්ඤො, න සො සබ්බත්ථ ජායති;
යත්ථ සො ජායති ධීරො, තං කුලං සුඛමෙධති.
194. සුඛො බුද්ධානමුප්පාදො, සුඛා සද්ධම්මදෙසනා;
සුඛා සඬ්ඝස්ස සාමග්ගී, සමග්ගානං තපො සුඛො.
195. පුජාරහෙ පුජයතො, බුද්ධෙ යදි ව සාවකෙ;
පපඤ්චසමතික්කන්තෙ, තිණ්ණසොකපරිද්දවෙ.
196. තෙ තාදිසෙ පුජයතො, නිබ්බුතෙ අකුතොභයෙ;
න සක්කා පුඤ්ඤං සඬ්ඛාතුං, ඉමෙත්තමපි කෙනවි.

බුද්ධවග්ගො වුද්දසමො නිට්ඨිතො.

15. සුඛවග්ගො

197. සුසුඛං වත ජීවාම, වෙරිනෙසු අවෙරිනො;
වෙරිනෙසු මනුස්සෙසු, විහරාම අවෙරිනො.
198. සුසුඛං වත ජීවාම, ආතුරෙසු අනාතුරා;
ආතුරෙසු මනුස්සෙසු, විහරාම අනාතුරා.
199. සුසුඛං වත ජීවාම, උස්සකෙසු අනුස්සකා;
උස්සකෙසු මනස්සෙසු, විහරාම අනුස්සකා.
200. සුසුඛං වත ජීවාම, යෙසං නො නත්ථි කිඤ්චනං;
පිතිහක්ඛා භවිස්සාම, දෙවා ආභස්සරා යථා.
201. ජයං වෙරං පසවති, දුක්ඛං සෙති පරාජිනො;
උපසන්නො සුඛං සෙති, හිත්වා ජයපරාජයං.
202. නත්ථි රාගසමො අග්ගි, නත්ථි දොසසමො කලි;
නත්ථි ඛන්ධසමා [ඛන්ධාදිසා (සී. සා. පී. රූපපිද්ධියා සමෙති)] දුක්ඛා, නත්ථි සන්තිපරං සුඛං.
203. ජීසච්ඡාපරමා රොගා, සඬ්ඛාරපරමා [සඬ්ඛාරා පරමා (බහුසු)] දුඛා;
එතං ඤත්වා යථාභූතං, නිබ්බානං පරමං සුඛං.
204. ආරොග්‍යපරමා ලාභා, සන්තුට්ඨිපරමං ධනං;
විස්සාසපරමා ඤාති [විස්සාසපරමො ඤාති (ක. සී.), විස්සාසපරමා ඤාති (සී. අට්ඨ.), විස්සාසා පරමා ඤාති (ක.)], නිබ්බානං පරමං [නිබ්බාණපරමං (ක. සී.)] සුඛං.
205. පච්චෙකරසං පිත්වා [පිත්වා (සී. සා. කං. පී.)], රසං උපසමස්ස ව;
නිද්දරො හොති නිජ්ජාපො, ධම්මපිතිරසං පිචං.
206. සාහු දස්සනමරියානං, සන්තිවාසො සදා සුඛො;
අදස්සනෙන බාලානං, නිච්චමෙව සුඛි සියා.
207. බාලසඬ්භිගතවාරි [බාලසඬ්භිගතවාරි (ක.)] හි, දීඝමද්ධාන සොවති;
දුක්ඛො බාලෙහි සංවාසො, අමිත්තෙනෙව සබ්බදා;
ධිරො ව සුඛසංවාසො, ඤාතීනංව සමාගමො.
208. තස්මා හි –
ධිරඤ්ච පඤ්ඤඤ්ච බහුස්සුතඤ්ච, ධොරස්භසීලං වතවන්තමරියං;
තං තාදිසං සප්පුරිසං සුමෙධං, භජෙථ නක්ඛත්තපථංව චන්දිමා [තස්මා හි ධිරං පඤ්ඤඤ්ච, බහුස්සුතඤ්ච ධොරස්භං; සීලං ධූතවතමරියං, තං තාදිසං සප්පුරිසං; සුමෙධං භජෙථ නක්ඛත්තපථංව චන්දිමා; (ක.)].

සුඛවග්ගො පන්නරසමො නිට්ඨිනො.

16. පියවග්ගො

209. අයොගෙ යුඤ්ජමත්තානං, යොගස්මිඤ්ච අයොජයං;
අත්ථං භිත්වා පියග්ගාභී, පිහෙතත්තානුයොගීනං.
210. මා පියෙහි සමාගඤ්ඡී, අප්පියෙහි කුදාවනං;
පියානං අදස්සනං දුක්ඛං, අප්පියානඤ්ච දස්සනං.
211. තස්මා පියං න කයිරාථ, පියාපායො හි පාපකො;
ගන්ථා තෙසං න විජ්ජන්ති, යෙසං නත්ථි පියාප්පියං.
212. පියතො ජායති සොකො, පියතො ජායති [ජායතෙ (ක.)] භයං;
පියතො විජ්ජමුත්තස්ස, නත්ථි සොකො කුතො භයං.
213. පෙමතො ජායති සොකො, පෙමතො ජායති භයං;
පෙමතො විජ්ජමුත්තස්ස, නත්ථි සොකො කුතො භයං.
214. රතියා ජායති සොකො, රතියා ජායති භයං;
රතියා විජ්ජමුත්තස්ස, නත්ථි සොකො කුතො භයං.
215. කාමතො ජායති සොකො, කාමතො ජායති භයං;
කාමතො විජ්ජමුත්තස්ස, නත්ථි සොකො කුතො භයං.
216. තණ්හාය ජායති [ජායතෙ (ක.)] සොකො, තණ්හාය ජායති භයං;
තණ්හාය විජ්ජමුත්තස්ස, නත්ථි සොකො කුතො භයං.
217. සීලදස්සනසම්පන්නං, ධම්මට්ඨං සච්චවෙදීනං;
අත්තතො කම්ම කුබ්බානං, තං ජනො කුරුතෙ පියං.
218. ඡන්දජාතො අනක්ඛාතෙ, මනසා ව ඵුට්ඨො සීයා;
කාමෙසු ව අප්පට්ඨද්ධවිත්තො [අප්පට්ඨන්ධවිත්තො (ක.)], උද්ධංසොතොති වුච්චති.
219. චිරජ්ජවාසීං පුරිසං, දුරතො සොත්ථිමාගතං;
ඤාතිමිත්තා සුභජ්ජා ව, අභිනන්දන්ති ආගතං.
220. තථෙව කතපුඤ්ඤමිපි, අස්මා ලොකා පරං ගතං;
පුඤ්ඤානි පටිගණ්හන්ති, පියං ඤාතීව ආගතං.

පියවග්ගො සොළසමො නිට්ඨිතො.

17. කොඩවග්ගො

221. කොඩං ජහෙ විජ්ජහෙය්‍යා මානං, සංයොජනං සබ්බමතික්කමෙය්‍යා;
තං නාමරූපස්මිමසජ්ජමානං, අකිඤ්චනං නානුපතන්ති දුක්ඛා.
222. යො වෙ උජ්ජනිතං කොඩං, රථං භන්තංව වාරයෙ [\[ධාරයෙ \(සි. ස්‍යා. පි.\)\]](#);
තමහං සාරථීං බුමි, රස්මිග්ගාහො ඉතරො ජනො.
223. අක්කොධෙන ජිනෙ කොඩං, අසාධුං සාධුනා ජිනෙ;
ජිනෙ කදරියං දානෙන, සච්චෙනාලිකවාදිනං.
224. සච්චං භණෙ න කුජ්ඣෙය්‍යා, දජ්ජා අජ්ජමිපි [\[දජ්ජා'ජ්ජස්මිමිපි \(සි. පි.\), දජ්ජා අජ්ජස්මි \(ස්‍යා. ක.\)\]](#) යාචිතො;
එතෙහි තිහි යානෙහි, ගච්ඡෙ දෙවාන සන්තිකෙ.
225. අහිංසකා යෙ මුනායො [\[අහිංසකායා මුනායො \(ක.\)\]](#), නිච්චං කායෙන සංවුතා;
තෙ යන්ති අච්චුතං යානං, යත්ථ ගන්ත්වා න සොචරෙ.
226. සදා ජාගරමානානං, අහොරත්තානුසික්ඛිනං;
නිබ්බානං අධිමුත්තානං, අත්ථං ගච්ඡන්ති ආසවා.
227. පොරාණමෙතං අතුල, නෙතං අජ්ජතනාමිව;
නින්දන්ති තුණ්හිමාසිනං, නින්දන්ති බහුභාණිනං;
මිහභාණිමිපි නින්දන්ති, නත්ථි ලොකෙ අනින්දිතො.
228. න වාහු න ව භවිස්සති, න චෙතරහි විජ්ජති;
එකන්තං නින්දිතො පොසො, එකන්තං වා පසංසිතො.
229. යං වෙ විඤ්ඤ පසංසන්ති, අනුච්චිව සුචෙ සුචෙ;
අච්ඡිද්දවුත්තිං [\[අච්ඡින්නවුත්තිං \(ක.\)\]](#) මෙධාචිං, පඤ්ඤාසීලසමාහිතං.
230. නික්ඛං [\[නෙක්ඛං \(සි. ස්‍යා. පි.\)\]](#) ජම්බොනදස්සෙව, කො තං නින්දිතුමරහති;
දෙවාපි නං පසංසන්ති, බුහ්මුනාපි පසංසිතො.
231. කායජ්ජකොපං රක්ඛෙය්‍යා, කායෙන සංවුතො සීයා;
කායදුච්චරිතං හිත්වා, කායෙන සුචරිතං චරෙ.
232. චච්චකොපං රක්ඛෙය්‍යා, වාචාය සංවුතො සීයා;
චච්චචරිතං හිත්වා, වාචාය සුචරිතං චරෙ.
233. මනොපකොපං රක්ඛෙය්‍යා, මනසා සංවුතො සීයා;
මනොදුච්චරිතං හිත්වා, මනසා සුචරිතං චරෙ.
234. කායෙන සංවුතා ධීරා, අථො වාචාය සංවුතා;
මනසා සංවුතා ධීරා, තෙ වෙ සුපරිසංවුතා.

කොඩවග්ගො සත්තරසමො නිට්ඨිතො.

18. මලවග්ගො

235. පණ්ඩුපලාසොව දානිසි, යමපුරිසාපි ව තෙ [තං (සි. සා. කං. පි.)] උපට්ඨිතා;
උයොගගුමෙ ව තිට්ඨසි, පාටොයාමිපි ව තෙ න විජ්ජති.
- 236.
- සො කරොහි දීපමත්තනො, බිජ්ජං වායම පණ්ඩිතො භව;
නිද්ධන්තමලො අනඬගණො, දිබ්බං අරියභූමිං උපෙහිසි [දිබ්බං අරියභූමිමෙහිසි (සි. සා. පි.),
දිබ්බමරියභූමිං උපෙහිසි (?)].
237. උපතීතවයො ව දානිසි, සම්පයානොසි යමස්ස සන්තිකෙ;
වාසො [වාසොපි ව (බහුසු)] තෙ නත්ථි අන්තරා, පාටොයාමිපි ව තෙ න විජ්ජති.
238. සො කරොහි දීපමත්තනො, බිජ්ජං වායම පණ්ඩිතො භව;
නිද්ධන්තමලො අනඬගණො, න පුනං ජාතිජරං [න පුන ජාතිජරං (සි. සා.), න පුන ජාතිජරං (ක.)]
උපෙහිසි.
239. අනුපුබ්බෙන මෙධාවී, ථොකං ථොකං බණෙ බණෙ;
කම්මාරො රජතස්සෙව, නිද්ධමෙ මලමත්තනො.
240. අයසාව මලං සමුට්ඨිතං [සමුට්ඨාය (ක.)], තතුවාය [තදුට්ඨාය (සි. සා. පි.)] තමෙව බාදති;
එවං අතිධොනවාරිතං, සානි කම්මානි [සකකම්මානි (සි. පි.)] නයන්ති දුග්ගතිං.
241. අසජ්ඣායමලා මත්තා, අනුට්ඨානමලා සරා;
මලං වණ්ණස්ස කොසජ්ජං, පමාදො රක්ඛතො මලං.
242. මලිත්ථියා දුච්චරිතං, මච්ඡෙරං දදතො මලං;
මලා වෙ පාපකා ධම්මා, අස්මිං ලොකෙ පරමිහි ව.
243. තතො මලා මලතරං, අවිජ්ජා පරමං මලං;
එතං මලං පහන්ත්වාන, නිම්මලා හොථ හික්ඛවො.
244. සුජීවං අහිරිකෙන, කාකසුරෙන ධංසිනා;
පක්ඛන්දිනා පගබ්බෙන, සංකිලිට්ඨෙන ජීවිතං.
245. හිරිමතා ව දුජ්ජීවං, නිච්චං සුවිගවෙසිනා;
අලිනෙතාස්පගබ්බෙන, සුද්ධාජීවෙන පස්සතා.
246. යො පාණමතිපාතෙති, මුසාවාදඤ්ච භාසති;
ලොකෙ අදින්නමාදියති, පරදාරඤ්ච ගච්ඡති.
247. සුරාමෙරයපානඤ්ච, යො නරො අනුයුඤ්ජති;
ඉධෙවමෙසො ලොකස්මිං, මූලං බණති අත්තනො.
248. එවං හො පුරිස ජානාහි, පාපධම්මා අසඤ්ඤතා;
මා තං ලොහො අධම්මො ව, චිරං දුක්ඛාය රන්ධයුං.
249. දදාති වෙ යථාසද්ධං, යථාපසාදනං [යත්ථ පසාදනං (කත්ථවි)] ජනො;
තත්ථ යො මඩ්ඤ භවති [තත්ථ වෙ මංඤ යො හොති (සි.), තත්ථ යො මඩ්ඤතො හොති (සා.)], පරෙසං
පානභොජනෙ;
න සො දිවා වා රත්තිං වා, සමාධිමධිගච්ඡති.
250. යස්ස වෙනං සමුච්ඡින්නං, මූලසච්චං [මූලසච්ඡං (ක.)] සමුහතං;
ස වෙ දිවා වා රත්තිං වා, සමාධිමධිගච්ඡති.
251. නත්ථි රාගසමො අග්ගි, නත්ථි දොසසමො ගහො;
නත්ථි මොහසමං ජාලං, නත්ථි තණ්හාසමා නදී.
252. සුදස්සං වජ්ජමඤ්ඤෙසං, අත්තනො පන දුද්දසං;
පරෙසං හි සො වජ්ජානි, ඔපුනාති [ඔපුනාති (ක.)] යථා භුසං;
අත්තනො පන ජාදෙති, කලිංච කිතවා සයො.
253. පරවජ්ජානුපස්සිස්ස , නිච්චං උජ්ඣානසඤ්ඤිතො;
ආසවා තස්ස වඩ්ඪන්ති, ආරා සො ආසවක්ඛයා.

254. ආකාසෙව පදං නත්ථි, සමණො නත්ථි බාහිරෙ;
පපඤ්චාහිරතා පජා, නිජ්ජපපඤ්චා තථාගතා.

255. ආකාසෙව පදං නත්ථි, සමණො නත්ථි බාහිරෙ;
සඬ්ඛාරා සස්සතා නත්ථි, නත්ථි චූද්ධානම්ඤ්ජිතං.

මලවග්ගො අට්ඨාපමො නිට්ඨිකො.

19. ධම්මට්ඨයවග්ගො

256. න තෙන හොති ධම්මට්ඨයො, යෙනත්ථං සාහසා [සහසා (සී. සා. ක.)] නයෙ;
යො ච අත්ථං අනත්ථඤ්ච, උභො නිව්ඡෙයා පණ්ඩිතො.
257. අසාහසෙන ධම්මෙන, සමෙන නයති පරෙ;
ධම්මස්ස ගුත්තො මෙධාවි, “ධම්මට්ඨයො”ති පවුච්චති.
258. න තෙන පණ්ඩිතො හොති, යාවතා ඛහු භාසති;
බෙමි අවෙරි අහයො, “පණ්ඩිතො”ති පවුච්චති.
259. න තාවතා ධම්මධරො, යාවතා ඛහු භාසති;
යො ච අප්පම්පි සුත්වාන, ධම්මං කායෙන පස්සති;
ස වෙ ධම්මධරො හොති, යො ධම්මං නප්පමප්පති.
260. න තෙන ථෙරො සො හොති [ථෙරො හොති (සී. සා. ක.)], යෙනස්ස පලිතං සිරො;
පරිපක්කො වයො තස්ස, “මොසපිණ්ණො”ති වුච්චති.
261. යමිති සච්චඤ්ච ධම්මො ච, අහිංසා සංයමො දමො;
ස වෙ චන්තමලො ධිරො, “ථෙරො” ඉති [සො ථෙරොති (සා. ක.)] පවුච්චති.
262. න වාක්කරණමත්තෙන, වණ්ණපොක්ඛරතාය වා;
සාධුරූපො නරො හොති, ඉස්සුකි මච්ඡරි සයො.
263. යස්ස වෙතං සමුච්ඡින්නං, මූලසච්චං සමුහතං;
ස චන්තදොසො මෙධාවි, “සාධුරූපො”ති වුච්චති.
264. න මුණ්ඩකෙන සමණො, අබ්බතො අලිකං හණං;
ඉච්ඡාලොභසමාපන්නො, සමණො කිං හවිස්සති.
265. යො ච සමෙති පාපානි, අණුං ථුලානි සබ්බසො;
සමිත්තා හි පාපානං, “සමණො”ති පවුච්චති.
266. න තෙන භික්ඛු සො හොති, යාවතා භික්ඛතෙ පරෙ;
විස්සං ධම්මං සමාදාය, භික්ඛු හොති න තාවතා.
267. යොධ පුඤ්ඤඤ්ච පාපඤ්ච, බාහෙත්වා බ්‍රහ්මචරියවා [බ්‍රහ්මචරියං (ක.)];
සඬ්ඛාය ලොකෙ වරති, ස වෙ “භික්ඛු”ති වුච්චති.
268. න මොනෙන මුනී හොති, මුළුභරූපො අවිද්දසු;
යො ච තුලංච පග්ගස්ස, වරමාදාය පණ්ඩිතො.
269. පාපානි පරිවජ්ජෙති, ස මුනී තෙන සො මුනි;
යො මුනාති උභො ලොකෙ, “මුනි” තෙන පවුච්චති.
270. න තෙන අරියො හොති, යෙන පාණානි හිංසති;
අහිංසා සබ්බපාණානං, “අරියො”ති පවුච්චති.
271. න සීලබ්බතමත්තෙන, බාහුසච්චෙන වා පන;
අථ වා සමාධිලාභෙන, විචිත්තසයනෙන වා.
272. ථුසාමි නෙක්ඛම්මසුඛං, අපුට්ඨජනසෙවිතං;
භික්ඛු විස්සාසමාපාදි, අප්පත්තො ආසවක්ඛයං.

ධම්මට්ඨයවග්ගො එකුනවීසතිමො නිට්ඨිතො.

20. මග්ගවග්ගො

273. මග්ගානට්ඨඞ්ගිකො සෙට්ඨො, සච්චානං චතුරො පදා;
චිරාගො සෙට්ඨො ධම්මානං, ද්විපදානඤ්ච චක්ඛුමා.
274. එසෙව [\[එසොව \(සි. පි.\)\]](#) මග්ගො නත්ථඤ්ඤො, දස්සනස්ස විසුද්ධියා;
එතඤ්ඤි තුම්හෙ පටිපජ්ජට්ඨ, මාරස්සෙනං පමොහනං.
275. එතඤ්ඤි තුම්හෙ පටිපන්නා, දුක්ඛස්සන්තං කරස්සට්ඨ;
අක්ඛාතො වො [\[අක්ඛාතො වෙ \(සි. පි.\)\]](#) මයා මග්ගො, අඤ්ඤාය සල්ලකන්තනං [\[සල්ලසන්තං \(සි. පි.\), සල්ලසන්තං \(සා. සා.\)\]](#).
276. තුම්හෙහි කිච්චමාතජ්ජං, අක්ඛාතාරො තථාගතා;
පටිපන්නා පමොක්ඛන්ති, ඤායිතො මාරබන්ධනා.
277. “සබ්බෙ සඬ්ඛාරා අනිච්චා”ති, යදා පඤ්ඤාය පස්සති;
අට්ඨ නිබ්බන්දති දුක්ඛෙ, එස මග්ගො විසුද්ධියා.
278. “සබ්බෙ සඬ්ඛාරා දුක්ඛා”ති, යදා පඤ්ඤාය පස්සති;
අට්ඨ නිබ්බන්දති දුක්ඛෙ, එස මග්ගො විසුද්ධියා.
279. “සබ්බෙ ධම්මා අනත්තා”ති, යදා පඤ්ඤාය පස්සති;
අට්ඨ නිබ්බන්දති දුක්ඛෙ, එස මග්ගො විසුද්ධියා.
280. උට්ඨානකාලමිහි අනුට්ඨභාතො, යුචා බලී ආලසියං උපෙනො;
සංසන්තසඬ්ඤ්ජපමනො [\[අසම්පන්නසඬ්ඤ්ජපමනො \(ක.\)\]](#) කුසිතො, පඤ්ඤාය මග්ගං අලසො න වින්දති.
281. වාචානුරක්ඛි මනසා සුසංවුතො, කායෙන ච නාකුසලං කයිරා [\[අකුසලං න කයිරා \(සි. සා. කං. පි.\)\]](#);
එතෙ තයො කම්මපටෙ විසොධයෙ, ආරාධයෙ මග්ගමිසිජ්ජවෙදිතං.
282. යොගා වෙ ජායති [\[ජායතෙ \(කත්ථවි\)\]](#) භූරි, අයොගා භූරිසඬ්ඛයො;
එතං ද්වෙධාපටං ඤත්වා, භවාය විභවාය ච;
තථාත්තානං නිවෙසෙයා, යථා භූරි පවඬ්ඪති.
283. චනං ඡිත්ථං මා රුක්ඛං, චනතො ජායතෙ භයං;
ඡෙත්වා චනඤ්ච චනට්ඨඤ්ච, නිබ්බනා හොට්ඨික්ඛවො.
284. යාව හි චනථො න ඡිජ්ජති, අණුමත්තොපි නරස්ස නාරිසු;
පටිබද්ධමනොව [\[පටිබන්ධමනොව \(ක.\)\]](#) තාව සො, වච්ඡො ධීරපකොව [\[ධීරපාතොව \(පි.\)\]](#) මාතරි.
285. උච්ඡිත්ථ සිනෙහමත්තතො කුමුදං සාරදිකංව [\[පාණිනා\]](#);
සන්තිමග්ගමෙව බුහය, නිබ්බානං සුගතෙන දෙසිතං.
286. ඉධ වස්සං වසිස්සාමි, ඉධ හෙමන්තගිමිහිසු;
ඉති බාලො විචින්තෙති, අන්තරායං න බුජ්ඣති.
287. තං පුත්තපසුසම්මත්තං, බ්‍යාසත්තමනසං නරං;
සුත්තං ගාමං මහොසොව, මච්චු ආදාය ගච්ඡති.
288. න සන්ති පුත්තා තාණාය, න පිතා නාපි බන්ධවා;
අන්තකෙනාධිපන්නස්ස, නත්ථි ඤානිසු තාණතා.
289. එතමත්ථවසං ඤත්වා, පණ්ඩිතො සීලසංවුතො;
නිබ්බානගමනං මග්ගං, බිජ්ජමෙව විසොධයෙ.

මග්ගවග්ගො වීසතිමො නිට්ඨිතො.

21. පකිණ්ණකවග්ගො

290. මත්තාසුඛපරිච්චාගා , පස්සෙ වෙ විපුලං සුඛං;
වජෙ මත්තාසුඛං ධිරො, සම්පස්සං විපුලං සුඛං.
291. පරදුක්ඛුපධානෙන, අත්තනො [යො අත්තනො (සා. පි. ක.)] සුඛමිච්ඡති;
වෙරසංසග්ගසංසට්ඨො, වෙරා සො න පරිමුච්චති.
292. යඤ්භි කිච්චං අපවිද්ධං [තදපවිද්ධං (සි. සා.)], අකිච්චං පන කශිරති;
උන්නළානං පමත්තානං, තෙසං වඩ්ඪන්ති ආසවා.
293. යෙසඤ්ච සුසමාරද්ධා, නිච්චං කායගතා සති;
අකිච්චං තෙ න සෙවන්ති, කිච්චෙ සාතච්චකාරිනො;
සතානං සම්පජානානං, අත්ථං ගච්ඡන්ති ආසවා.
294. මාතරං පිතරං හන්ත්වා, රාජානො ද්වෙ ව ඛත්තිසෙ;
රට්ඨං සානුවරං හන්ත්වා, අනිසො යාති බ්‍රාහ්මණො.
295. මාතරං පිතරං හන්ත්වා, රාජානො ද්වෙ ව සොත්ථිසෙ;
වෙයග්ගපඤ්චමං හන්ත්වා, අනිසො යාති බ්‍රාහ්මණො.
296. සුප්පබ්බද්ධං පබ්බජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං බුද්ධගතා සති.
297. සුප්පබ්බද්ධං පබ්බජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං ධම්මගතා සති.
298. සුප්පබ්බද්ධං පබ්බජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං සඬ්ඝගතා සති.
299. සුප්පබ්බද්ධං පබ්බජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං කායගතා සති.
300. සුප්පබ්බද්ධං පබ්බජ්ඣන්ති, සදා ගොතමසාවකා;
යෙසං දිවා ව රත්තො ව, අභිංසාය රතො මනො.
301. සුප්පබ්බද්ධං පබ්බජ්ඣන්ති, සදා ගොතමසාවකා;
යෙසං දිවා ව රත්තො ව, භාවනාය රතො මනො.
302. දුප්පබ්බජ්ජං දුරභිරමං, දුරාවාසා සරා දුබ්‍රා;
දුක්ඛොසමානසංවාසො, දුක්ඛානුපතිතද්ධගු;
තස්මා න වද්ධගු සියා, න ච [තස්මා න වද්ධගු න ච (ක.)] දුක්ඛානුපතිතො සියා [දුක්ඛානුපාතිතො (?)].
303. සද්ධො සීලෙන සම්පන්නො, යසොභොගසමප්පිනො;
යං යං පදෙසං භජති, තත්ථ තත්ථෙව පුජිතො.
304. දුරෙ සන්නො පකාසෙන්නි, භිමවන්නොව පබ්බතො;
අසන්නෙත්ථ න දිස්සන්ති, රත්තිං ඛින්නා යථා සරා.
305. එකාසනං එකසෙයාං, එකො වරමතන්දිතො;
එකො දමයමත්තානං, වනන්තෙ රමිතො සියා.

පකිණ්ණකවග්ගො එකවිසතිමො නිට්ඨිතො.

22. නිරයවග්ගො

306. අභුතවාදී නිරයං උපෙනි, යො වාපි [\[යො වාපි \(සී. පී. ක.\)\]](#) කත්වා න කරොමි වාහ [\[න කරොමිති වාහ \(සාය.\)\]](#);
උභොපි තෙ පෙච්ච සමා භවන්ති, නිභිනකම්මා මනුජා පරත්ථං.
307. කාසාවකණ්ඨා බහවො, පාපධම්මා අසඤ්ඤතා;
පාපා පාපෙහි කම්මෙහි, නිරයං තෙ උපපජ්ජරෙ.
308. සෙය්‍යො අයොගුලො භුත්තො, තත්තො අග්ගිසිබුපමො;
යඤ්චෙ භුඤ්ජෙය්‍ය දුස්සිලො, රට්ඨපිණ්ඩමසඤ්ඤතො.
309. චත්තාරි යානානි නරො පමත්තො, ආපජ්ජති පරදාරූපසෙවී;
අපුඤ්ඤලාභං න නිකාමසෙය්‍යං, නින්දං තතීයං නිරයං චතුත්ථං.
310. අපුඤ්ඤලාභො ච ගතී ච පාපිකා, භීතස්ස භීතාය රතී ච ථොකිකා;
රාජා ච දණ්ඩං ගරුකං පණෙනි, තස්මා නරො පරදාරං න සෙවෙ.
311. කුසො යථා දුග්ගහිතො, හත්ථමෙවානුකන්තති;
සාමඤ්ඤං දුජ්ජරාමට්ඨං, නිරයායුපකඩ්ඨති.
312. යං කිඤ්චි සිටීලං කම්මං, සංකිලිට්ඨඤ්ච යං චතං;
සඩ්ධකස්සරං බ්‍රහ්මවරියං, න තං භොති මහජ්ඣලං.
313. කයිරා චෙ කයිරාථෙතං [\[කයිරා නං \(ක.\)\]](#), දළ්භමෙතං පරක්කමෙ;
සිටීලො හි පරිබ්බාජො, භියො ආකිරතෙ රජං.
314. අකතං දුක්කටං සෙය්‍යො, පච්ඡා තජ්ජති දුක්කටං;
කතඤ්ච සුකතං සෙය්‍යො, යං කත්වා නානුතජ්ජති.
315. නගරං යථා පච්චන්තං, ගුත්තං සන්තරබ්බතිරං;
ඵචං ගොපෙථ අත්තානං, බණ්ණො වො [\[බණ්ණො චෙ \(සී. පී. ක.\)\]](#) මා උපච්චගා;
බණ්ණාතීතා හි සොචන්ති, නිරයමිහි සමජ්ජිතා.
316. අලජ්ජිතායෙ ලජ්ජන්ති, ලජ්ජිතායෙ න ලජ්ජරෙ;
මිච්ඡාදිට්ඨිසමාදානා, සත්තා ගච්ඡන්ති දුග්ගතිං.
317. අභයෙ භයදස්සිනො, භයෙ වාහයදස්සිනො;
මිච්ඡාදිට්ඨිසමාදානා, සත්තා ගච්ඡන්ති දුග්ගතිං.
318. අචජ්ජෙ චජ්ජමතිනො, චජ්ජෙ වාචජ්ජදස්සිනො;
මිච්ඡාදිට්ඨිසමාදානා, සත්තා ගච්ඡන්ති දුග්ගතිං.
319. චජ්ජඤ්ච චජ්ජතො ඤත්වා, අචජ්ජඤ්ච අචජ්ජතො;
සම්මාදිට්ඨිසමාදානා, සත්තා ගච්ඡන්ති සුග්ගතිං.

නිරයවග්ගො ද්වාච්ඡිසතිමො නිට්ඨිතො.

23. නාගවග්ගො

320. අභං නාගොව සඬගාමෙ, වාපතො පතිතං සරං;
අතිවාක්‍යං තිතික්ඛිස්සං, දුස්සිලො හි ඛුජ්ජනො.
321. දන්තං නයන්ති සමිතිං, දන්තං රාජාහිරුහති;
දන්තො සෙට්ඨො මනුස්සෙසු, යොතිවාක්‍යං තිතික්ඛති.
322. වරමස්සතරා දන්තා, ආජානියා ව [ආජානියාව (සා.)] සින්ධවා;
කුඤ්ජරා ව [කුඤ්ජරාව (සා.)] මහානාගා, අත්තදන්තො තතො වරං.
323. න හි එතෙහි යානෙහි, ගච්ඡෙය්‍ය අගතං දිසං;
යථාත්තනා සුදන්තෙන, දන්තො දන්තෙන ගච්ඡති.
324. ධනපාලො [ධනපාලකො (සි. සා. කං. පි.)] නාම කුඤ්ජරො, කටුකහෙදනො [කටුකජ්ජහෙදනො (සි. සා. පි.)] දුන්නිවාරයො;
බද්ධො කඛ්ඨං න භුඤ්ජති, සුමරති [සුසරති (ක.)] නාගවනස්ස කුඤ්ජරො.
325. මිද්ධි යදා හොති මහග්ගසො ව, නිද්දායිතා සම්පරිවත්තසායි;
මහාවරාහොව නිවාපපුට්ඨො, පුනජ්ජනං ගබ්භමුපෙති මන්දො.
326. ඉදං පුරෙ චිත්තමාරි වාරිකං, යෙනිච්ඡකං යත්ථකාමං යථාසුඛං;
තදජ්ජහං නිග්ගහෙස්සාමි යොනිසො, හත්ථිජ්ජහින්නං විය අඬකුසග්ගහො.
327. අජ්ජමාදරතා හොථ, සචිත්තමනුරක්ඛථ;
දුග්ගා උද්ධරථත්තානං, පඬකෙ සන්නොව [සන්නොව (සි. පි.)] කුඤ්ජරො.
328. සචෙ ලහෙථ නිපකං සභායං, සද්ධිං වරං සාධුචිහාරිධිරං;
අභිභුය්‍ය සඬබ්බානි පරිස්සයානි, වරෙය්‍ය තෙනත්තමනො සතීමා.
329. නො චෙ ලහෙථ නිපකං සභායං, සද්ධිං වරං සාධුචිහාරිධිරං;
රාජාව රට්ඨං චිජිතං පභාය, එකො වරෙ මාතඬගරඤ්ඤෙව නාගො.
330. එකස්ස වරිතං සෙය්‍යො, නත්ථි බාලෙ සභායතා;
එකො වරෙ න ව පාපානි කයිරා, අජ්ජොස්සුක්කො මාතඬගරඤ්ඤෙව නාගො.
331. අත්ථමිහි ජාතමිහි සුඛා සභායා, තුට්ඨි සුඛා යා ඉතරීතරෙන;
පුඤ්ඤං සුඛං ජීවිතසඬබ්බයමිහි, සඬබ්බස්ස දුක්ඛස්ස සුඛං පභානං.
332. සුඛා මත්තෙය්‍යතා ලොකෙ, අථො පෙත්තෙය්‍යතා සුඛා;
සුඛා සාමඤ්ඤතා ලොකෙ, අථො බ්‍රහ්මඤ්ඤතා සුඛා.
333. සුඛං යාව ජරා සිලං, සුඛා සද්ධා පතිට්ඨිතා;
සුඛො පඤ්ඤාය පටිලාභො, පාපානං අකරණං සුඛං.

නාගවග්ගො තෙව්සතිමො නිට්ඨිතො.

24. තණ්හාවග්ගො

334. මනුජස්ස පමත්තවාරිනො, තණ්හා වඩ්ඪති මාලුවා විය;
සො ජලවතී [ජලවතී (සි. පි.), පලවෙතී (ක.), උජලවතී (?)] හුරා හුරං, එලම්චිෂංච වනස්මි වානරො.
335. යං එසා සහතෙ ජම්මී, තණ්හා ලොකෙ විසත්තිකා;
සොකා තස්ස පවඩ්ඪන්ති, අභිවට්ඨංච [අභිවඩ්ඪංච (සා.සා.), අභිවට්ඨංච (පි.), අභිවුඩ්ඪංච (ක.)] බිරණං.
336. යො වෙතං සහතෙ ජම්මී, තණ්හං ලොකෙ දුරච්චියං;
සොකා තම්හා පපතන්ති, උදබ්බන්දුව පොක්ඛරා.
337. තං වො වදාමි හද්දං වො, යාවන්තෙත්ථ සමාගතා;
තණ්හාය මූලං ඛණං, උසිරත්ථොච බිරණං;
මා වො නළංච සොතොච, මාරො භඤ්ජී පුනප්පුනං.
338. යථාපි මූලෙ අනුපද්දවෙ දළ්භෙ, ඡින්නොපි රුක්ඛො පුනරෙව රුහති;
එවම්පි තණ්හානුසයෙ අනුහතෙ, නිබ්බත්තති දුක්ඛම්දං පුනප්පුනං.
339. යස්ස ඡත්තිංසති සොතා, මනාපසවනා භුසා;
මාහා [වාහා (සි. සා. පි.)] වහන්ති දුද්දිට්ඨිං, සඬ්ඤ්ජා රාගනිස්සිතා.
340. සවන්ති සබ්බධි සොතා, ලතා උප්පජ්ජ [උබ්බිජ්ජ (සි. සා. කං. පි.)] තිට්ඨති;
තඤ්ච දිස්වා ලතං ජාතං, මූලං පඤ්ඤාය ඡින්නං.
341. සරිතානි සිනෙහිතානි ච, සොමනස්සානි භවන්ති ජන්තුනො;
තෙ සාතස්සිතා සුඛෙසිතො, තෙ වෙ ජාතිජරුපගා නරා.
342. තසිණාය පුරක්ඛතා පජා, පරිසප්පන්ති සසොච ඛන්ධිනො [ඛාධිනො (බහුසු)];
සංයොජනසඬ්ඨසත්තකා, දුක්ඛමුපෙන්නි පුනප්පුනං විරාය.
343. තසිණාය පුරක්ඛතා පජා, පරිසප්පන්ති සසොච ඛන්ධිනො;
තස්මා තසිණං විනොදයෙ, ආකඬ්ඛන්ත [භික්ඛු ආකඬ්ඛි (සි.), භික්ඛු ආකඬ්ඛං (සා.සා.)] විරාගමත්තනො.
344. යො නිබ්බතථො වනාධිමුත්තො, වනමුත්තො වනමෙව ධාවති;
තං පුග්ගලමෙථ පස්සථ, මුත්තො ඛන්ධනමෙව ධාවති.
345. න තං දළ්භං ඛන්ධනමාහු ධීරා, යදායසං දාරුජපබ්බජ්ඤ්ච [දාරුජං බබ්බජ්ඤ්ච (සි. පි.)];
සාරත්තරත්තා මණ්ඩුණ්ඩලෙසු, පුත්තෙසු දාරෙසු ව යා අපෙක්ඛා.
346. එතං දළ්භං ඛන්ධනමාහු ධීරා, ඔභාරිතං සිට්ඨිලං දුප්පමුඤ්චං;
එතම්පි ඡෙත්වානා පරිබ්බජන්ති, අනපෙක්ඛිනො කාමසුඛං පභාය.
347. යෙ රාගරත්තානුපතන්ති සොතං, සයංකතං මක්කට්ඨකොච ජාලං;
එතම්පි ඡෙත්වානා වජන්ති ධීරා, අනපෙක්ඛිනො සබ්බදුක්ඛං පභාය.
348. මුඤ්ච පුරෙ මුඤ්ච පච්ඡතො, මජ්ඣෙ මුඤ්ච භවස්ස පාරගු;
සබ්බත්ථ විමුත්තමානසො, න පුනං ජාතිජරං උපෙහිසි.
349. විතක්කමථිතස්ස ජන්තුනො, තිබ්බරාගස්ස සුභානුපස්සිතො;
හියොසා තණ්හා පවඩ්ඪති, එස ඛො දළ්භං [එස ගාළ්භං (ක.)] කරොති ඛන්ධනං.
350. විතක්කපසමෙ ව [විතක්කපසමෙව (ක.)] යො රතො, අසුභං භාවයතෙ සදා සතො;
එස [එසො (?)] ඛො ඛාන්ති කාහිති, එස [එසො (?)] ඡෙච්ඡති මාරඛන්ධනං.
351. නිට්ඨංඝිගතො අසන්තාසී, විතතණ්හො අනඬ්ඨණො;
අච්ඡින්නං භවසල්ලානි, අන්තිමොයං සමුස්සයො.
352. විතතණ්හො අනාදානො, නිරුත්තිපදකොච්චො;
අක්ඛරානං සන්තිපාතං, ජඤ්ඤා පුබ්බාපරානි ච;
ස වෙ “අන්තිමසාරිරො, මහාපඤ්ඤො මහාපුරිසො”ති වුව්චති.
353. සබ්බාහිභු සබ්බවිදුහමස්මි, සබ්බෙසු ධම්මෙසු අනුපලින්නො;
සබ්බඤ්ජහො තණ්හක්ඛයෙ විමුත්තො, සයං අභිඤ්ඤාය කමුද්දිසෙය්‍යං.
354. සබ්බදානං ධම්මදානං ජිනාති, සබ්බරසං ධම්මරසො ජිනාති;
සබ්බරතිං ධම්මරති ජිනාති, තණ්හක්ඛයො සබ්බදුක්ඛං ජිනාති.
355. භනන්ති භොගා දුම්මෙධං, නො ච පාරගවෙසිනො;

හොගතණ්භාය දුම්මෙධො, හන්ති අඤ්ඤෙව අත්තනං.

356. තිණදොසානි ඛේත්තානි, රාගදොසා අයං පජා;
තස්මා හි විතරාගෙසු, දින්නං හොති මහජ්ඵලං.

357. තිණදොසානි ඛේත්තානි, දොසදොසා අයං පජා;
තස්මා හි විතදොසෙසු, දින්නං හොති මහජ්ඵලං.

358. තිණදොසානි ඛේත්තානි, මොහදොසා අයං පජා;
තස්මා හි විතමොහෙසු, දින්නං හොති මහජ්ඵලං.

359. (තිණදොසානි ඛේත්තානි, ඉච්ඡාදොසා අයං පජා;
තස්මා හි විගතිච්ඡෙසු, දින්නං හොති මහජ්ඵලං.) [() විදෙසපොත්ථකෙසු නත්ථී, අට්ඨකථායම්පි න දිස්සති]

තිණදොසානි ඛේත්තානි, තණ්හාදොසා අයං පජා;
තස්මා හි විතතණ්හෙසු, දින්නං හොති මහජ්ඵලං.

තණ්හාවග්ගො චතුච්ඡිතිමො නිට්ඨිතො.

25. හික්බවගේ

360. වක්බුනා සංවරො සාධු, සාධු සොනෙන සංවරො;
සානෙන සංවරො සාධු, සාධු ජීවිභාය සංවරො.
361. කායෙන සංවරො සාධු, සාධු වාචාය සංවරො;
මනසා සංවරො සාධු, සාධු සබ්බත්ථ සංවරො;
සබ්බත්ථ සංවුතො හික්බු, සබ්බදුක්ඛා පමුච්චති.
362. හත්ථසංයතො පාදසංයතො, වාචාසංයතො සංයතුත්තමො;
අප්පකුත්තරතො සමාහිතො, එකො සන්තුසිතො තමාහු හික්බු.
363. යො මුඛසංයතො හික්බු, මන්තභාණී අනුද්ධතො;
අත්ථං ධම්මඤ්ච දීපෙති, මධුරං තස්ස භාසිතං.
364. ධම්මාරාමො ධම්මරතො, ධම්මං අනුච්චිත්තයං;
ධම්මං අනුස්සරං හික්බු, සද්ධම්මා න පරිභායති.
365. සලාභං නාතිමඤ්ඤෙය්‍ය, නාඤ්ඤෙසං පිභයං වරෙ;
අඤ්ඤෙසං පිභයං හික්බු, සමාධිං නාධිගච්ඡති.
366. අප්පලාභොපි වෙ හික්බු, සලාභං නාතිමඤ්ඤති;
තං වෙ දෙවා පසංසන්ති, සුද්ධාජීවිං අතන්දිතං.
367. සබ්බසො නාමරූපස්මිං, යස්ස නත්ථි මමායිතං;
අසතා ච න සොචති, ස වෙ “හික්බු”ති වුච්චති.
368. මෙන්තාවිහාරී යො හික්බු, පසන්තො බුද්ධසාසනෙ;
අධිගච්ඡෙ පදං සන්තං, සඬ්ඛාරූපසමං සුඛං.
369. සිඤ්ච හික්බු ඉමං නාවං, සිත්තා තෙ ලහුමෙස්සති;
ජෙත්වා රාගඤ්ච දොසඤ්ච, තතො නිබ්බානමෙහිසි.
370. පඤ්ච ඡිත්තෙ පඤ්ච ජහෙ, පඤ්ච චුත්තරි භාවයෙ;
පඤ්ච සඬ්ඛානිගො හික්බු, “ඔසතිණ්ණො”ති වුච්චති.
371. කුසාය හික්බු [කුසාය තුවං හික්බු (?)] මා පමාදො [මා ච පමාදො (සි. සායා. පි.)], මා තෙ කාමගුණෙ රමෙස්සු
[භමස්සු (සි. පි.), භවස්සු (සායා.), රමස්සු (ක.)] චිත්තං;
මා ලොහගුළං ගිලී පමත්තො, මා කන්දි “දුක්ඛමිද”න්ති ධය්හමානො.
372. නත්ථි කුසානං අපඤ්ඤස්ස, පඤ්ඤා නත්ථි අකුසායතො [අප්පකුසායතො (ක.)];
යම්හි කුසානඤ්ච පඤ්ඤා ච, ස වෙ නිබ්බානසන්තිකෙ.
373. සුඤ්ඤාගාරං පට්ටිඨස්ස, සන්තචිත්තස්ස හික්බුතො;
අමානුසි රති භොති, සම්මා ධම්මං විපස්සතො.
374. යතො යතො සම්මසති, ඛන්ධානං උදයබ්බයං;
ලහති [ලහති (පි.), ලහතෙ (ක.)] පීතිපාමොජ්ජං, අමතං තං විජානතං.
375. තත්ත්වායමාදි භවති, ඉධ පඤ්ඤස්ස හික්බුතො;
ඉන්ද්‍රියගුත්ති සන්තුට්ඨි, පාතිමොක්ඛෙ ච සංවරො.
376. මිත්තෙ භජස්සු කල්‍යාණෙ, සුද්ධාජීවෙ අතන්දිතෙ;
පටිසන්ථාරවුත්තාස්ස [පටිසන්ථාරවුත්තාස්ස (ක.)], ආචාරකුසලො සියා;
තතො පාමොජ්ජබහුලො, දුක්ඛස්සන්තං කරස්සති.
377. වස්සිකා විය පුප්ඵානි, මද්දවානි [මජ්ඣිමනිකා (ක. ටිකා) පට්ඨවානි (ක. අට්ඨ.)] පමුඤ්චති;
එවං රාගඤ්ච දොසඤ්ච, විජ්ජමුඤ්චෙථ හික්ඛවො.
378. සන්තකායො සන්තවාචො, සන්තවා සුසමාහිතො [සන්තමනො සුසමාහිතො (සායා. පි.), සන්තමනො
සමාහිතො (ක.)];
වන්තලොකාමිසො හික්බු, “උපසන්තො”ති වුච්චති.
379. අත්තනා වොදයත්තානං, පටිමංසෙථ අත්තනා [පටිමාසෙ අත්තමත්තනා (සි. පි.), පටිමංසෙ තමත්තනා
(සායා.)];
සො අත්තගුත්තො සතිමා, සුඛං හික්බු විභාහිසි.

380. අත්තා හි අත්තනො නාටො, (කො හි නාටො පරො සියා) [() විදෙසපොත්ථකෙසු නත්ථි]
අත්තා හි අත්තනො ගති;
තස්මා සංයමමත්තානං [සංයමය'ත්තානං (සි. පී.)], අස්සං හද්දං වාණිජො.
381. පාමොජ්ජබහුලො හික්ඛු, පසන්තො ඛුද්ධසාසනෙ;
අධිගච්ඡෙ පදං සන්තං, සධ්ධාරුපසමං සුඛං.
382. යො භවෙ දහරො හික්ඛු, යුඤ්ජති ඛුද්ධසාසනෙ;
සොමං [සො ඉමං (සි. සා. කං. පී.)] ලොකං පභාසෙති, අබ්භා මුත්තොව චන්දිමා.

හික්ඛුවග්ගො පඤ්චවීසතිමො නිට්ඨිතො.

26. බ්‍රාහ්මණවග්ගො

383. ඡීන්ද සොතං පරක්කම්ම, කාමෙ පනුද බ්‍රාහ්මණ;
සඬ්ඛාරානං ඛයං ඤත්වා, අකතඤ්ඤසි බ්‍රාහ්මණ.
384. යදා ද්වයෙසු ධම්මෙසු, පාරගු හොති බ්‍රාහ්මණො;
අථස්ස සබ්බෙ සංයොගා, අත්ථං ගච්ඡන්ති ජානතො.
385. යස්ස පාරං අපාරං වා, පාරාපාරං න විජ්ජති;
චිතද්දරං විසංයුත්තං, තමහං බුම් බ්‍රාහ්මණං.
386. ඤායං චිරජමාසීනං, කතකිච්චමනාසවං;
උත්තමත්ථමනුජපත්තං, තමහං බුම් බ්‍රාහ්මණං.
387. දිවා තපති ආදිච්චො, රත්තිමාහාති වන්දිමා;
සන්තද්ධො ඛත්තියො තපති, ඤායං තපති බ්‍රාහ්මණො;
අථ සබ්බමහොරත්තිං [සබ්බමහොරත්තං (?)], බුද්ධො තපති තෙජසා.
388. බාහිතපාපොති බ්‍රාහ්මණො, සම්මරියා සමණොති වුච්චති;
පබ්බාජයමත්තනො මලං, තස්මා “පබ්බජිතො”ති වුච්චති.
389. න බ්‍රාහ්මණස්ස පහරෙයා, නාස්ස මුඤ්චෙථ බ්‍රාහ්මණො;
ධි [ධි (සා. බ්‍රාහ්මණෙසු)] බ්‍රාහ්මණස්ස භන්තාරං, තතො ධි යස්ස [යො + අස්ස = යස්ස] මුඤ්චති.
390. න බ්‍රාහ්මණස්සෙතදකිඤ්චි සෙයොයා, යදා නිසෙධො මනසො පියෙහි;
යතො යතො හිංසමනො නිවත්තති, තතො තතො සම්මතිමෙව දුක්ඛං.
391. යස්ස කායෙන වාචාය, මනසා නත්ථි දුක්ඛං;
සංවුත්තං තිහි යානෙහි, තමහං බුම් බ්‍රාහ්මණං.
392. යම්හා ධම්මං විජානෙයා, සම්මාසම්බුද්ධදෙසිතං;
සක්කච්චං තං නමස්සෙයා, අග්ගිහුත්තංව බ්‍රාහ්මණො.
393. න ජටාහි න ගොත්තෙන, න ජච්චා හොති බ්‍රාහ්මණො;
යම්හි සච්චඤ්ච ධම්මො ව, සො සුචි සො ව බ්‍රාහ්මණො.
394. කිං තෙ ජටාහි දුම්මෙධ, කිං තෙ අජිනසාටියා;
අබ්බන්තරං තෙ ගහනං, බාහිරං පරිමජ්ජසි.
395. පංසුකුලධරං ජන්තුං, කිසං ධමනිසන්ථතං;
ඵකං වනස්මිං ඤායන්තං, තමහං බුම් බ්‍රාහ්මණං.
396. න වාහං බ්‍රාහ්මණං බුම්, යොනිජං මත්තිසම්භවං;
හොවාදි නාම සො හොති, සචෙ හොති සකිඤ්චනො;
අකිඤ්චනං අනාදානං, තමහං බුම් බ්‍රාහ්මණං.
397. සබ්බසංයොජනං ඡෙත්වා, යො චෙ න පරිතස්සති;
සඬ්ඛානිගං විසංයුත්තං, තමහං බුම් බ්‍රාහ්මණං.
398. ඡෙත්වා නද්ධං [නන්ධං (ක. සී.), නන්දිං (පී.)] වරත්තඤ්ච, සන්දානං [සන්දාමං (සී.)] සහනුක්කමං;
උක්ඛිත්තපලිසං බුද්ධං, තමහං බුම් බ්‍රාහ්මණං.
399. අක්කොසං වධන්ධඤ්ච, අදුට්ඨො යො තිතික්ඛති;
ඛන්තිබලං බලානිකං, තමහං බුම් බ්‍රාහ්මණං.
400. අක්කොධනං වතවන්තං, සීලවන්තං අනුස්සදං;
දන්තං අන්තිමසාරීරං, තමහං බුම් බ්‍රාහ්මණං.
401. වාරි පොක්ඛරපත්තෙව, ආරග්ගෙරිව සාසපො;
යො න ලිම්පති [ලිප්පති (සී. පී.)] කාමෙසු, තමහං බුම් බ්‍රාහ්මණං.
402. යො දුක්ඛස්ස පජානාති, ඉධෙව බයමත්තනො;
පන්නභාරං විසංයුත්තං, තමහං බුම් බ්‍රාහ්මණං.
403. ගම්භීරපඤ්ඤං මෙධාචිං, මග්ගාමග්ගස්ස කොච්ඡිදං;
උත්තමත්ථමනුජපත්තං, තමහං බුම් බ්‍රාහ්මණං.
404. අසංසට්ඨං ගහට්ඨෙහි, අනාගාරෙහි වුභයං;

අනොකසාරිමප්පිච්ඡං, තමහං බුමි බ්‍රාහ්මණං.

405. නිධාය දණ්ඩං භූතෙසු, තසෙසු ථාවරෙසු ව;
යො න භන්ති න සාතෙති, තමහං බුමි බ්‍රාහ්මණං.

406. අචිරුද්ධං චිරුද්ධෙසු, අත්තදණ්ඩෙසු නිබ්බූතං;
සාදානෙසු අනාදානං, තමහං බුමි බ්‍රාහ්මණං.

407. යස්ස රාගො ව දොසො ව, මානො මක්ඛො ව පාතිතො;
සාසපොරිව ආරග්ගා [ආරග්ගෙ (ක.)], තමහං බුමි බ්‍රාහ්මණං.

408. අකක්කසං විඤ්ඤාපනිං, ගිරං සච්චමුදිරයෙ;
යාය නාභිසජ්ජෙ කඤ්චි [කිඤ්චි (ක.)], තමහං බුමි බ්‍රාහ්මණං.

409. යොධ දීසං ව රස්සං වා, අණුං පුලං සුභාසුභං;
ලොකෙ අදින්නං නාදියති [නාදෙති (ම. නි. 2.459)], තමහං බුමි බ්‍රාහ්මණං.

410. ආසා යස්ස න විජ්ජන්ති, අස්මිං ලොකෙ පරමිහි ව;
නිරාසාසං [නිරාසයං (සි. සා. පි.), නිරාසකං (?)] විසංයුත්තං, තමහං බුමි බ්‍රාහ්මණං.

411. යස්සාලයා න විජ්ජන්ති, අඤ්ඤාය අකථංකථී;
අමතොගධමනුජ්ජත්තං, තමහං බුමි බ්‍රාහ්මණං.

412. යොධ පුඤ්ඤඤ්ච පාපඤ්ච, උභො සභිගමුපච්චගා;
අසොකං චිරජං සුද්ධං, තමහං බුමි බ්‍රාහ්මණං.

413. චන්දංච විමලං සුද්ධං, විජ්ජසන්නමනාවිලං;
නන්දිභවපරික්ඛිණං, තමහං බුමි බ්‍රාහ්මණං.

414. යොමං [යො ඉමං (සි. සා. කං. පි.)] පලිපථං දුග්ගං, සංසාරං මොහමච්චගා;
තිණ්ණො පාරගතො [පාරගතො (සි. සා. කං. පි.)] ඤායී, අනෙජො අකථංකථී;
අනුපාදාය නිබ්බූතො, තමහං බුමි බ්‍රාහ්මණං.

415. යොධ කාමෙ පහන්ත්වාන [පහන්වාන (සි. පි.)], අනාගාරො පරිබ්බජ්ජෙ;
කාමභවපරික්ඛිණං, තමහං බුමි බ්‍රාහ්මණං [ඉදං ගාථාද්වයං විදෙසපොත්ථකෙසු සකිදෙව දස්සිතං].

416. යොධ තණ්හං පහන්ත්වාන, අනාගාරො පරිබ්බජ්ජෙ;
තණ්හාභවපරික්ඛිණං, තමහං බුමි බ්‍රාහ්මණං.

417. හිත්වා මානුසකං යොගං, දිබ්බං යොගං උපච්චගා;
සබ්බයොගවිසංයුත්තං, තමහං බුමි බ්‍රාහ්මණං.

418. හිත්වා රතිඤ්ච අරතිඤ්ච, සීතිභූතං නිරූපධං;
සබ්බලොකාභිභූං චීරං, තමහං බුමි බ්‍රාහ්මණං.

419. චුතිං යො වෙදි සත්තානං, උපපත්තිඤ්ච සබ්බසො;
අසත්තං සුගතං බුද්ධං, තමහං බුමි බ්‍රාහ්මණං.

420. යස්ස ගතිං න ජානන්ති, දෙවා ගන්ධබ්බමානුසා;
බිණ්ණසවං අරහන්තං, තමහං බුමි බ්‍රාහ්මණං.

421. යස්ස පුරෙ ව පච්ඡා ව, මජ්ඣෙ ව නත්ථි කිඤ්චනං;
අකිඤ්චනං අනාදානං, තමහං බුමි බ්‍රාහ්මණං.

422. උසහං පචරං චීරං, මහෙසිං විජිතාවිනං;
අනෙජං න්හාතකං [නහාතකං (සි. සා. කං. පි.)] බුද්ධං, තමහං බුමි බ්‍රාහ්මණං.

423. පුබ්බෙතිවාසං යො වෙදි, සග්ගාපායඤ්ච පස්සති,
අපො ජාතික්ඛයං පත්තො, අභිඤ්ඤාචොසිතො මුනි;
සබ්බචොසිතචොසානං, තමහං බුමි බ්‍රාහ්මණං.

බ්‍රාහ්මණවග්ගො ජබ්බිසතිමො නිට්ඨිතො.

(ඵත්තාවතා සබ්බපඨමෙ යමකවග්ගෙ වුද්දස චත්ථුනි, අප්පමාදවග්ගෙ නව, චිත්තවග්ගෙ නව, පුජ්චවග්ගෙ ද්වාදස, ඛාලවග්ගෙ පන්නරස, පණ්ඩිතවග්ගෙ එකාදස, අරහන්තවග්ගෙ දස, සහස්සවග්ගෙ වුද්දස, පාපවග්ගෙ ද්වාදස, දණ්ඩවග්ගෙ එකාදස, ජරාවග්ගෙ නව, අත්තවග්ගෙ දස, ලොකවග්ගෙ එකාදස, බුද්ධවග්ගෙ නව [අට්ඨ (ක.)], සුඛවග්ගෙ අට්ඨ, පියවග්ගෙ නව, කොධවග්ගෙ අට්ඨ, මලවග්ගෙ ද්වාදස, ධම්මට්ඨවග්ගෙ දස, මග්ගවග්ගෙ ද්වාදස,

පකිණ්ණකවග්ගෙ නව, නිරයවග්ගෙ නව, නාගවග්ගෙ අට්ඨ, තණ්හාවග්ගෙ ද්වාදස, භික්ඛුවග්ගෙ ද්වාදස,
බ්‍රාහ්මණවග්ගෙ චන්තාලීසාති පඤ්චාධිකානි තීණ චන්ද්‍රසතානි.

සතෙවිසවතුස්සතා, චතුසච්චිභාවිනා;
සත්තන්තසඤ්ච චන්ද්‍රනං, පඤ්චාධිකං සමුට්ඨිතානි) [() එත්ථන්තරෙ පායො විදෙසපොත්ථකෙසු නත්ථී,
අට්ඨකථාසුයෙව දිස්සති].

[ධම්මපදස්ස වග්ගස්සුද්දානංඤ්ජයමකං පමාදං චිත්තං, පුප්ඵං බාලඤ්ච පණ්ඩිතං.ඤ්ජරහන්තං සහස්සං පාපං, දණ්ඩං
ජරා අත්තලොකං.ඤ්ජුද්ධං සුඛං පියං කොධං, මලං ධම්මට්ඨමග්ගඤ්ච.ඤ්ජපකිණ්ණකං නිරයං නාගං, තණ්හා භික්ඛු ච
බ්‍රාහ්මණො.ඤ්ජගාථාසුද්දානංඤ්ජයමකෙ විසගාථායො, අප්පමාදලොකමිති ව.ඤ්ජපියෙ ද්වාදසගාථායො, චිත්තෙ
ජරත්තෙකාදස.ඤ්ජපුප්ඵබාලසහස්සමිති, ඤ්ජුද්ධ මග්ග පකිණ්ණකෙ.ඤ්ජසොළස පණ්ඩිතෙ කොධෙ, නිරයෙ නාගෙ
චතුද්දස.ඤ්ජඅරහන්තෙ දසග්ගාථා, පාපසුඛමිති තෙරස.ඤ්ජසත්තරස දණ්ඩධම්මට්ඨයෙ, මලමිති එකවිසති.ඤ්ජතණ්හාවග්ගෙ
සත්තබ්බිස, තෙවිස භික්ඛුවග්ගමිති.ඤ්ජබ්‍රාහ්මණෙ එකතාලීස, චතුස්සතා සතෙවිස. (ක.)]

ධම්මපදෙ වග්ගානමුද්දානං -

යමකප්පමාදො චිත්තං, පුප්ඵං බාලෙන පණ්ඩිතො;
අරහන්තො සහස්සඤ්ච, පාපං දණ්ඩෙන තෙ දස.

ජරා අත්තා ච ලොකො ච, ඤ්ජුද්ධො සුඛං පියෙන ච;
කොධො මලඤ්ච ධම්මට්ඨයො, මග්ගවග්ගෙන විසති.

පකිණ්ණං නිරයො නාගො, තණ්හා භික්ඛු ච බ්‍රාහ්මණො;
එතෙ ඡබ්බිසති වග්ගා, දෙසිතාදිච්චබන්ධුනා.

ගාථානමුද්දානං -

යමකෙ විසති ගාථා, අප්පමාදමිති ද්වාදස;
එකාදස චිත්තවග්ගෙ, පුප්ඵවග්ගමිති සොළස.

බාලෙ ච සොළස ගාථා, පණ්ඩිතමිති චතුද්දස;
අරහන්තෙ දස ගාථා, සහස්සෙ හොන්ති සොළස.

තෙරස පාපවග්ගමිති, දණ්ඩමිති දස සත්ත ව;
එකාදස ජරා වග්ගෙ, අත්තවග්ගමිති තා දස.

ද්වාදස ලොකවග්ගමිති, ඤ්ජුද්ධවග්ගමිති ධාරස [සොළස (සබ්බන්ථ)];
සුඛෙ ච පියවග්ගෙ ච, ගාථායො හොන්ති ද්වාදස.

ඤ්ජුද්දස කොධවග්ගමිති, මලවග්ගෙකවිසති;
සත්තරස ච ධම්මට්ඨයෙ, මග්ගවග්ගෙ සත්තරස.

පකිණ්ණෙ සොළස ගාථා, නිරයෙ නාගෙ ච ඤ්ජුද්දස;
ඡබ්බිස තණ්හාවග්ගමිති, තෙවිස භික්ඛුවග්ගිකා.

එකතාලීසගාථායො, බ්‍රාහ්මණෙ වග්ගමුත්තමෙ;
ගාථාසතානි චන්තාරි, තෙවිස ච පුනාපරෙ;
ධම්මපදෙ නිපාතමිති, දෙසිතාදිච්චබන්ධුනානි.

ධම්මපදපාළි නිට්ඨිතා.